


春秋左傳杜注增輯

序目卷首之卷二 興廢說  
紀年爵姓隱公 桓公

甲





華亭姚氏增輯

春秋左傳杜注

小鬱林雕板



讀春秋左氏傳者競推杜林合注林非杜匹也杜林合注於杜注每有刊落則一家之學既弗全而唐宋以來諸儒先之名言要旨亦率皆缺而未載又安能使讀者貫穿馳騁上下往復而不域於彘彘章句之習也華亭姚平山氏研精左傳得其要領其為書也以杜氏經傳集解為主而兼引孔疏旁及各傳注元元本本疏通證明不遺餘力平山蓋不惟為杜氏一家之學而已据經以讀傳因傳以攷經是非同異之際三致意焉凡他說之有裨





杜氏而可以並叅者必與集解兩存以俟後人採擇其詳且慎如此不可為著書法歟夫漢世春秋分為五家鄒夾已廢而三家盛行杜元凱獨專精左傳其集解序有曰優而柔之饜而飫之若江海之浸膏澤之潤渙然冰釋怡然理順然後為得也斯言也杜氏教人以讀書之法而亦自道所得也平山之書洵所謂冰釋理順者世之學者有志春秋一經當不能舍此而津逮矣吳門陸闇亭太守自蜀中解組歸田主持風雅深喜是書詳核因為

捐貲雕板自此得以流播遠近海內通經之士讀之其快然為何如也

乾隆十一年歲次丙寅秋七月北平黃叔琳書



春秋十一平表火丙寅妹十月廿平黃路相書

春秋十一平表火丙寅妹十月廿平黃路相書

春秋十一平表火丙寅妹十月廿平黃路相書

凡例八則

春秋左傳向宗杜氏集解茲刻一字不遺孔疏所以發明杜注者也寧詳毋略其餘諸家之說自唐宋元明以逮

本朝罔不采錄

杜注間有未純謹錄先儒成說以寓折衷至是之意其或彼此俱通而後人說較明暢隨文附入不厭其繁至管見則加按字

杜注列於前增入之說以一圈隔之字音依陸氏



釋文補其未備

讀傳必先讀經略經而詳傳者非也說經以程朱為準公穀胡張四傳外有足相參例得均載經文之下

杜注地名與今不合証明即今某處庶方輿瞭如指掌

列國興廢止載二十國虞虢紀早亡不錄遵依欽定傳說彙纂本也

古本左傳三十卷今仍其舊附王朝列國興廢等

說於卷首不入卷中

杜氏序一篇實此書要領詳為詮釋俾注家大指了然未讀其書思過半矣

乾隆九年歲次甲子九月上澣姚培謙識



春秋左傳杜注目錄

卷首

杜氏序

春秋王朝興廢說

春秋列國興廢說

春秋王朝列國紀年

春秋一百二十四國爵姓

卷第一

隱公元年之十一年





卷第二

桓公元年之十八年

卷第三

莊公元年之三十二年

卷第四

閔公元年二年

卷第五

僖公元年之十五年

卷第六

卷第七

僖公十六年之二十六年

卷第八

僖公二十七年之三十二年

文公元年之十年

卷第九

文公十一年之十八年

卷第十

宣公元年之十一年



卷第十一

宣公十二年之十八年

卷第十二

成公元年之十年

卷第十三

成公十一年之十八年

卷第十四

襄公元年之九年

卷第十五

襄公十年之十五年

卷第十六

襄公十六年之二十二年

卷第十七

襄公二十三年之二十五年

卷第十八

襄公二十六年之二十八年

卷第十九

襄公二十九年之三十二年



卷第二十一

昭公元年之三年

卷第二十一

昭公四年之七年

卷第二十二

昭公八年之十二年

卷第二十三

昭公十三年之十七年

卷第二十四

昭公十八年之二十二年

卷第二十五

昭公二十三年之二十六年

卷第二十六

昭公二十七年之三十二年

卷第二十七

定公元年之七年

卷第二十八

定公八年之十五年



卷第二十九 二十五年

哀公元年之十三年

卷第三十 二十六年

哀公十四年之二十七年

卷第三十一 二十八年

卷第三十二 二十九年

卷第三十三 三十年

卷第三十四 三十一年

卷第三十五 三十二年

春秋左傳杜氏序

春秋者魯史記之名也。記事者以事繫日，以日繫月，以月繫時，以時繫年，所以紀遠近，別同異也。故史之所記，必表年以首事，年有四時，故錯舉以為所記之名也。周禮有史官，掌邦國四方之事，達四方之志。

方之志

周禮春官小史職曰：掌邦國之志，內史職曰：凡四方之事，書內史讀之。外史職曰：掌四方之志，掌達書名於四方。今杜氏序云：掌邦國四方之事者，掌邦國取小史職文，四方之事，取內史職文。周禮言邦國者，乃謂畿外諸侯之國也。國有四表，故言四方。云凡四方之事，書內史讀之者，謂四方有書來告，內史讀以白王也。告王之後，則小史主掌之。故云掌邦國之志，內史雖云讀四方之事，書其實國內史策皆內史所掌。故其職掌八柄及策命之事也。然則內史小史既主國內及主四方來告之事，故僖二十三年杜注云：國史承告而書是也。杜此序又云：達四方之



志取外史職文按外史職云掌四方之志掌達書名四方今移達字於四方之志上如杜之意外史達此國內之志以告四方故僖二十三年杜注云同盟然後告名赴者之禮是也然則掌邦國四方之事者據此承受他國之赴也達四方之志者據已國有事赴告他國也諸侯亦各有國史大事書之於策大竹曰策小事簡牘而已小竹為簡木版為牘孟

子曰楚謂之檇杙晉謂之乘而魯謂之春秋其實一也韓宣子適魯見易象與魯春秋曰周禮盡在魯矣吾乃今知周公之德與周之所以王昭二年傳韓子

所見蓋周之舊典禮經也傳於隱七年書名例云謂之禮經十一年不告例云不書于策明書于策必有常禮未修之前舊有此法○既言諸國有書欲明魯最兼備故云此周德既衰官失其守上之人不能使春秋昭明謂不能使春秋褒貶勸戒昭明也○昭二十一年傳曰春秋之稱微而顯婉而辨上之人

能使昭明善人勸焉淫人懼焉赴告策書崩薨曰赴禍福曰告諸所記注多違舊章

仲尼因魯史策書成文考其真偽而志其典禮合典法者

褒之違禮度者貶之上以遵周公之遺制下以明將來之法其教之所存文之所害則刊而正之刊削也以示勸戒其餘則皆即用舊史史有文質史謂居官之人辭有詳略辭謂書策之文不必改也故傳曰其善志昭三十一年傳善志謂記事之善者又曰非聖人孰能修之

也故傳曰其善志昭三十一年傳善志謂記事之善者又曰非聖人孰能修之

也故傳曰其善志昭三十一年傳善志謂記事之善者又曰非聖人孰能修之

也故傳曰其善志昭三十一年傳善志謂記事之善者又曰非聖人孰能修之

也故傳曰其善志昭三十一年傳善志謂記事之善者又曰非聖人孰能修之

也故傳曰其善志昭三十一年傳善志謂記事之善者又曰非聖人孰能修之

也故傳曰其善志昭三十一年傳善志謂記事之善者又曰非聖人孰能修之



義而發

先經者若隱公不書即位先發仲子歸于我衛州吁弑其君完先發莊公娶于齊如此之類是先經以始事也後經者昭二十

二年王室亂定八年乃言劉子伐王以定王室哀二年晉納崩贖于戚哀十五年乃言崩贖自戚入衛如此之類是後經以終義也依經者經有其事傳

辯其由隱公不書即位而求好于邾故為蔑之盟按其經文明其歸趣如此之類是依經以辯理也錯經者若地有兩名經傳互舉及經侵傳伐經伐傳

侵於文雖異於理則合如其例之所重舊史遺文略不盡舉

非聖人所修之要故也

此說有經無傳之意例之所重者若桓元年秋大水傳云凡平原出水為大水

身為國史躬覽載籍必

廣記而備言之

自此至然後為得也說無經有傳之意

其文緩

非直解經故其旨遠

遙明聖意故

將令學者原始要終尋其枝葉究其所窮優

而柔之使自求之饜而飶之使自趨之

優柔俱訓為安寬舒之意也饜

餼俱訓為飽饒裕之意也謂邱明富博其文優游學者之心使自求索其高意精華其大義飽足學者之好使自奔趨其深致若江海之浸

膏澤之潤渙然冰釋怡然理順然後為得也

江海以水深之

故所浸者遠膏澤以雨多之故所潤者博以喻傳之廣記備言亦欲浸潤經文使義理通洽如是而求之然後渙然解散如春冰之釋怡然心悅而眾理皆順

其發凡以言例皆經國之常制周公之垂法史

書之舊章仲尼從而修之以成一經之通體

自此至非例也

辯說傳之三體此一段說舊發例也

其微顯闡幽裁成義類者皆據舊例而

發義指行事以正褒貶

此下盡曲而暢之說新意也經文顯者作傳本其纖微經文幽者作傳闡使明

著以裁制成其義理比類者皆據舊典凡例而起發經義指其人行事是非以正經之褒貶例稱得雋曰克傳言如二君故曰克是其據舊例發義也晉

侯名王使狩鄭伯不教其弟仲尼沒其名王顯稱鄭伯邱明正述其事先解經文是指其行事以正褒貶也此二事尤明者耳其餘皆是新意也諸



稱書不書先書故書不言不稱書曰之類皆所以

起新舊發大義謂之變例七者之類皆所以起新舊之例令人知發凡是舊七者是新發明經之大

義謂之變例以凡是正例故謂此為變例也然亦有史所不書即以為義者若宣

崔氏出奔衛傳稱書曰崔氏非其罪也且告以族不以名是告不以名故知舊史無名及仲尼修經無罪見逐例不書名此舊史之文適當孔子之意

不得不用之也此蓋春秋新意總上變例與不別書故傳不言凡曲而暢

之也舉一凡而事同者諸理盡見是其直也不言凡而每事發傳是其曲而暢之也暢通也其經無義例因

行事而言則傳直言其歸趣去聲而已非例也國有大

書之其事既無得失其文不著善惡故傳直言其指歸趣向而已非褒貶之例故發傳之體有三即上文發凡正

例新意變例歸趣非例是也而為例之情有五一日微而顯辭微而義顯文

見於此而起義在彼稱族尊君命舍族尊夫人梁

亡城緣陵之類是也成十四年經曰秋叔孫僑如如齊逆女九月僑如以夫人婦姜氏至自齊族自卿家

之族稱舍別有所尊是文見於此而起義在彼僖十九年經書梁亡十四年書諸侯城緣陵秦人滅梁而曰梁亡見取者之無罪齊桓城杞而書諸侯城

緣陵見諸侯之有闕亦是文見於此而起義在彼二曰志而晦志記也晦亦微也約言示制推以

知例參會不地桓二年傳與謀曰及宣七年傳之類是也義之所異在於一字約少

其言以示法制推尋其事以知其例是所記事有敘而其文晦微也三曰婉而成章曲從義訓以

示大順諸所諱辟同避璧假許田桓元年之類是也掩惡揚善臣子

之義可以垂訓於後故屈曲其辭從其義訓以示大順之道是其辭婉曲而成其篇章也四曰盡而不汙於俱反直

書其事具文見意丹楹莊二十三年刻楠莊二十四年天王求車



桓十五年齊侯獻捷莊三十一年之類是也非禮而動不為之隱具為其文以見譏意是其實事而無

也河曲五曰懲惡而勸善求名而亡欲蓋而章昭三十一年傳曰或求名

而不得或欲蓋而名章懲不義也書齊豹盜昭二三叛人名襄二十一年邾庶其昭五年莒牟夷昭三

十一年邾黑肱之類是也推此五體以尋經傳觸類而長之

附于二百四十二年行事王道之正人倫之紀備

矣或曰春秋以錯文見義其文異者必應有義存焉若如所論則經

當有事同文異而無其義也先儒所傳皆不其然

答曰春秋雖以一字為褒貶然皆須數上句以成

言非如八卦之爻可錯綜為六十四也固當依傳

以為斷卦之一爻變則成為一卦經之一字異不得成為一義故經必須數句以成言義則待傳而後曉不可錯綜經文以求義理故

當依傳以為斷文異者邱明不為發傳仲尼必無其義安得傳旨之表妄說經文以此知經有事同文異而無其義者也古今言左

氏春秋者多矣今其遺文可見者十數家大體轉

相祖述進不成為錯綜經文以盡其變經之詳略本不著義強為之說

理不可通故進不成為錯綜經文以盡其變退不守邱明之傳於傳之外別立異端於邱明

之傳有所不通皆沒而不說而更膚引公羊穀梁

適足自亂預今所以為異專修邱明之傳以釋經

經之條貫必出於傳傳之義例總歸諸凡推變例

以正褒貶若有例無凡則傳有變例如是則推尋變例以正褒貶宣十年崔氏出奔衛傳云書曰崔氏非其罪也不書名者非



其罪則書名者是罪如此之類是推變例以正褒貶也若左氏不解二傳有說有是有非可去可取如是則簡選二傳取其合義而去其異端簡二傳而去異端蓋邱明之志也其有疑錯則備論

而闕之以俟後賢然劉子駿創通大義賈景伯父子許惠卿皆先儒之美者也未有穎子嚴者雖淺

近亦復名家故特舉劉賈許穎之違以見同異劉歆字子

駿後漢賈逵字景伯扶風人父徽字元伯授業于歆分經之年與傳

達傳父業許惠卿名淑魏郡人穎子嚴名容陳郡人

之年相附比毗志反其義類各隨而解之名曰經傳集

解謂聚集經傳為之作解又別集諸例及地名譜第歷數相與為

部凡四十部十五卷皆顯其異同從而釋之名曰

釋例將令學者觀其所聚異同之說釋例詳之也

或曰春秋之作左傳及穀梁無明文說者以仲尼

自衛反魯修春秋立素王去聲邱明為素臣家語稱齊太史子餘歎美

孔子言云天其素王之乎素空也言無位而空王之也彼子餘美孔子之深原上天之意故為此言耳非是孔子自號為素王先儒蓋因此而謬遂言春秋立素王之法左邱明述仲尼之道故復以為素臣也言公羊者亦云黜周而王魯危行

言孫以辟當時之害故微其文隱其義公羊經止

獲麟而左氏經終孔丘卒敢問所安答曰異乎余

所聞仲尼曰文王既没文不在茲乎此制作之本

意也歎曰鳳鳥不至河不出圖吾已矣夫蓋傷時



王之政也

傷時王之政不能致此瑞也。先有制作之意而恨時無嘉瑞。明是既得佳瑞即便制作。杜欲明得麟乃作故先表此二句。

鳳五靈

麟鳳龜龍白虎

王者之嘉瑞也。今麟出非其時。虛其

應而失其歸

上無明王是虛其應。為人所獲是失其歸。

此聖人所以為感也。絕

筆於獲麟之一句者。所感而起。固所以為終也。曰

然則春秋何始於魯隱公。答曰。周平王東周之始

王也。隱公讓國之賢君也。考乎其時。則相接

隱公之初當平

末言乎其位。則列國

其爵為侯其土則廣是大國也

本乎其始。則周公

之祚胤也。若平王能祈天永命。紹開中

去聲

興。隱公

能弘宣祖業。光啟王室。則西周之美可尋。文武之

迹不隊。是故因其歷數

年月之歷數

附其行事

時人之行事

采周

之舊以會成王義

會合也

垂法將來。所書之王。即平王

也。所用之歷。即周正也。所稱之公。即魯隱也。安在

其黜周而王魯乎。子曰。如有用我者。吾其為東周

乎

原其此意。知非黜周

此其義也。若夫制作之文。所以章往考

來

章明已往。考按方來。欲使將來之人鑒見既往之事。

情見乎辭

聖人之情。見乎文辭。

言高則旨遠

若使發語卑雜。則情趣瑣近。立言高簡。則旨意遠大。

辭約則義微

章句煩多。則事情易顯。文辭約少。則義趣微略。

此理

之常。非隱之也。聖人包周身之防

謂聖人防慮必周於身。自知無患。方始作之。

既作之後。方復隱諱。以辟患。非所聞也。子路欲使



門人為臣。孔子以為欺天，而云仲尼素王。邱明素臣，又非通論也。先儒以為制作三年，文成致麟，既已妖妄，又引經以至仲尼卒，亦又近誣。據公羊經止獲麟，而左氏小邾射音亦不在三叛之數，故余以為感麟而作，作起獲麟，則文止於所起，為得其實。至於反袂拭面，稱吾道窮，亦無取焉。公羊稱孔子聞獲麟，反袂拭面，涕沾袍。曰：吾道窮矣。聖人盡性窮神，樂天知命，寧復畏懼死亡，下沾衿之泣，愛惜性命，發道窮之歎。以上纂孔疏間叅文選注。

### 春秋王朝興廢說

周

姬姓，黃帝之苗裔，后稷之後也。后稷封於邠。今陝西

武功縣及夏之衰，后稷之子不窋失其官，竄於西戎。括地志曰：不窋故城在慶州弘化縣，按即今陝西慶陽府安化縣。

不窋之孫公劉徙居邠。今西安府邠州東北有豳亭，三水縣西有古豳城，皆是。

公劉傳九世至太王，去邠，邑於岐山之

陽。今陝西鳳翔府岐山縣文王受命，作邑於豐。今西安府鄠縣南有豐城武王克商

而有天下，定都於鎬。鎬在豐水東，豐在豐水西，相去二十五里。平王遷都王城

今河南河南府洛陽縣西故城是也。敬王又遷成周。今洛陽縣東故城是也。平王四十九



年魯隱公立敬王三十九年獲麟之歲也後九王  
二百二十年而赧王為秦所滅  
春秋列國興廢說

魯

姬姓侯爵周文王第四子周公旦所封也周公有  
大勲勞於天下位冢宰留相天子乃封其長子伯  
禽為魯侯都於曲阜今山東兗州府曲阜縣伯禽十三世傳至隱  
公元年春秋託始於此又二百四十有二年為哀  
公十四年西狩獲麟後九君至頃公讎為楚所滅

蔡

姬姓侯爵武王同母弟叔度所封也武王克商封  
叔度於蔡今河南汝寧府上蔡縣平侯徙新蔡今汝寧府新蔡縣昭侯又徙  
州來謂之下蔡今江南鳳陽府壽州北有蔡國城宣侯二十八年魯隱  
公立成侯十年魯哀公十四年也後為楚所滅

曹

姬姓伯爵武王同母弟叔振鐸所封也武王克商  
封叔振鐸於曹今山東兗州府定陶縣叔振鐸生太伯脾脾後九  
世桓公終生三十五年魯隱公元年也魯哀公八



年曹伯陽為宋所滅

衛

姬姓侯爵武王同母少弟康叔封之後也武王封

康叔於衛

今河南衛輝府淇縣東北朝歌城是也

文公遷楚邱

故城在今北直大名府滑縣東

成

公又遷帝邱

今大名府開州顯項城是也

桓公十三年魯隱公即位

出公十二年魯哀公十四年也其後貶號曰君止

有濮陽之地秦二世廢其君角為庶人

滕

姬姓侯爵周文王子叔繡所封

今山東兗州府滕縣

魯隱公七

年始見經戰國策謂滕滅於宋漢地理志滕封三十一世為齊所滅未知孰是

晉

姬姓侯爵周武王少子唐叔虞之後也成王封叔

虞於唐始都於翼

今山西平陽府翼城縣

唐叔子燮父為晉侯傳

十世至昭侯昭侯封其父文侯之弟成師於曲沃

今平陽府聞喜縣

是為桓叔昭侯傳至哀侯為桓叔之孫武

公所滅武公徙居絳

今平陽府絳州北

景公又徙新田

今平陽府曲沃

南鄂侯二年魯隱公立定公三十一年魯哀公十



四年也。又六世韓魏趙三分晉地。遷其君靖公。俱酒為家人。

鄭

姬姓。伯爵。周厲王少子友之後也。宣王二十二年。

封友於鄭。今陝西西安府華州幽王之難。友寄帑於號鄆之間。

因取二國之地。謂之新鄭。今河南開封府新鄭縣莊公二十二年。

魯隱公即位。聲公二十年。魯哀公十四年也。後為

韓所滅。

吳

姬姓。子爵。周太王長子太伯。奔荆蠻以避季歷。居於梅里。今江南常州府無錫縣太伯卒。仲雍嗣立。後十七世至壽夢。始稱王。其後闔廬築大城而都之。今江南蘇州府治魯成公六年。壽夢見經。夫差十五年。獲麟之歲也。魯哀公二十二年。為越句踐所滅。

燕

姬姓。伯爵。周同姓名公奭之後也。武王封召公於

薊。號為北燕。今北直順天府大興縣穆侯七年。魯隱公即位。獻公

十二年。魯哀公十四年也。後六世。易王立。傳王號



者六世至王喜為秦所滅

齊

姜姓侯爵太公望之後也其先四岳佐禹平水土  
有功虞夏間封於呂商末太公起漁釣為文武師  
封營邱曰齊侯今山東青州府臨淄縣僖公九年魯隱公立簡公  
四年魯哀公十四年也後三君一百有二年康公  
貸卒田氏遂并齊

秦

嬴姓伯爵出自顓頊裔孫女修子大業生大費與

禹平水土佐舜調馴鳥獸賜姓嬴是為柏翳柏翳

十九世非子為周孝王主馬汧渭間馬大蕃息孝

王分為附庸而邑之秦今陝西鞏昌府秦州清水縣有故秦城非子曾孫秦

仲死於西戎其孫襄公討西戎有功平王東遷賜

以岐豐之地列為諸侯寧公徙平陽今陝西鳳翔府郿縣西有平陽故城德

公徙雍今鳳翔府鳳翔縣獻公徙櫟陽今陝西西安府臨潼縣孝公徙咸陽

今西安府咸陽縣文公四十四年魯隱公立悼公十一年魯哀

公十四年也後九世孝公用商鞅以耕戰霸秦其

子惠文君自號為王傳武王昭襄王孝文王莊襄



王至始皇并天下自立為皇帝二世而亡王

楚

芊姓子爵出自顓頊孫重黎為高辛氏火正能光

融天下命曰祝融其弟吳回嗣為祝融生陸終陸

終生六子最少者季連季連之苗裔鬻熊為周文

武師成王時封鬻熊曾孫熊繹於荊蠻胙以子男

之田其地居丹陽徐廣宋忠皆曰在南郡枝江其後都郢今荆州府

昭王徙都水經注謂之鄢郢在今湖廣襄陽府宜城縣西南秦拔鄢郢楚保陳城即故陳國也其最後徙

壽春今江南鳳陽府壽州武王十九年魯隱公立惠王八年魯哀

公十四年也惠王而下有簡聲悼肅宣威懷頃襄  
考烈幽哀負芻十二王而秦滅之

宋

子姓公爵出自商王帝乙之長庶子啓食采於微

謂之微子周武王誅紂立其子武庚武庚畔成王

誅之乃更封微子為宋公以奉湯祀今河南歸德府商邱縣穆公

和七年魯隱公立景公三十六年魯哀公十四年

也後至王偃稱王圖伯而齊魏楚共滅其國

杞



姒姓伯爵武王克商求夏禹苗裔得東樓公封杞  
 以奉禹祀今河南開封府杞縣東樓公四傳至武公二十九年  
 魯隱公立魯桓公六年武公遷都淳于今山東青州府安邱縣東北  
 魯僖公十四年成公遷緣陵今青州府昌樂縣東南魯襄公二十  
 九年文公又遷淳于至閔公六年獲麟之歲也後  
 為楚所滅

陳

媯姓侯爵出自帝舜之後封於有虞虞幕裔孫闕  
 父為周武王陶正王以元女大姬下嫁其子滿而

封諸陳使奉虞帝祀今河南開封府陳州桓公二十三年魯隱公  
 立閔公二十一年魯哀公十四年也後三年楚惠  
 王使公孫朝滅陳

薛

任姓侯爵黃帝之後奚仲封於薛今山東兗州府滕縣南魯隱公  
 十一年獻侯始來朝魯與諸侯盟會後不知為誰  
 所滅

邾

曹姓子爵出自陸終第五子晏安之後武王克商



封其苗裔曹挾於邾為附庸今山東兗州府鄒縣自挾至儀父

十二世魯隱公元年儀父會盟于蔑北杏之會附

從齊桓進爵為子魯哀公十年邾子益來奔後為

楚所并

### 莒

嬴姓子爵出自少昊之後武王封茲輿期於莒今山東青州

莒州莒君無謚而有號自茲輿期十一世至茲平父

始見經共公庚輿而下微不復見後四世而楚滅

之

### 小邾

曹姓子爵出自邾挾之後夷父顏有功於周周封

其子友於邾為附庸杜注東海昌慮縣東北有邾城按昌慮故城在今兗州府滕縣東南魯莊公

五年友之曾孫黎來始朝魯齊小白霸邾君附從

進爵為子始列諸侯謂之小邾子穆公之孫惠公

以下春秋後六世而楚滅之

### 許

姜姓男爵與齊同祖武王封四岳之苗裔文叔於

許今河南開封府許州春秋時國小而近鄭為鄭所偏魯成公



十五年遷葉今河南南陽府葉縣魯昭公九年遷夷實城父今河南南陽府

南鳳陽府亳州東南有城父故城十一年遷析實白羽今南陽府鄧州內鄉縣魯定公四

年遷容城應劭曰容城即華容城按華容今湖廣荊州府監利縣也或曰容城在葉縣西未知孰是自文叔至

莊公十一世始見經元公子結元年獲麟之歲也

戰國初楚滅之

春秋王朝列國紀年

隱公在位十一年

平王四十九年至五十一年桓王元年至八年

齊僖公祿父九年至十九年 晉鄂侯郟二年至

六年哀侯光元年至六年曲沃莊伯鱣十一年至

十七年武公稱元年至五年 衛桓公完十三年

至十六年宣公晉元年至七年 蔡宣公考父二

十八年至三十五年桓公封人元年至三年 鄭

莊公寤生二十二年至三十二年 曹桓公終生



三十五年至四十五年 陳桓公鮑二十三年至  
三十三年 杞武公二十九年至三十九年 宋  
穆公和七年至九年 殤公與夷元年至八年 秦  
文公四十四年至五十年 寧公元年至四年 楚  
武王熊通十九年至二十九年

桓公在位十八年

桓王九年至二十三年 莊王元年至三年 齊僖  
公二十年至三十三年 襄公諸兒元年至四年  
晉哀侯七年至九年 小子侯元年至四年 緡元年

至十一年 曲沃武公六年至二十三年 衛宣公

八年至十九年 惠公朔元年至五年 黔牟元年 當魯

桓十七年 至二年 蔡桓公四年至二十年 哀公獻舞元

年 鄭莊公三十三年至四十三年 厲公突元年

至七年 昭公忽元年 當魯桓十六年 至二年 子亶元年 當魯桓十八年

曹桓公四十六年至五十五年 莊公射姑元年

至八年 陳桓公三十四年至三十八年 厲公躍

元年至七年 莊公林元年至六年 杞武公四十

年至四十七年 靖公元年至十年 宋殤公九年



十年莊公馮元年至十六年 秦寧公五年至十二年  
出子元年至六年 武公元年至四年 楚武王三十年至四十七年

莊公在位三十二年

莊王四年至十五年 僖王元年至五年 惠王元年至十五年 齊襄公五年至十二年 桓公小白元年至二十四年 晉緡十二年 至二十七年 武公二十四年至四十年 獻公詭諸元年至十五年 衛惠公七年至三十一年 懿公赤元年至七年 黔

牟三年至八年 蔡哀公二年至二十年 穆公盼

元年至十三年 鄭厲公八年至二十八年 子儀

元年 當魯莊元年 至十四年 文公捷元年至十一年 曹

莊公九年 至三十一年 僖公夷元年至九年 陳

莊公七年 宣公杵臼元年至三十一年 杞靖公

十一年 至二十三年 共公元元至八年 惠公元年

至十一年 宋莊公十七年 十八年 閔公捷元年

至十年 桓公御說元年至二十年 秦武公五年

至二十年 德公元年 二年 宣公元元至十二年 成



公元年二年 楚武王四十八年至五十一年文  
王熊贛元年至十五年堵敖熊羆元年至三年成  
王熊頹元年至十年

閔公在位二年

惠王十六年十七年 齊桓公二十五年二十六  
年 晉獻公十六年十七年 衛懿公八年九年  
蔡穆公十四年十五年 鄭文公十二年十三  
年 曹昭公班元年二年 陳宣公三十二年三  
十三年 杞惠公十二年十三年 宋桓公二十

一年二十二年 秦成公三年四年 楚成王十  
一年十二年

僖公在位三十三年

惠王十八年至二十五年襄王元年至二十五年  
齊桓公二十七年至四十三年孝公昭元年至  
十年昭公潘元年至六年 晉獻公十八年至二  
十六年惠公夷吾元年至十五年文公重耳元年  
至九年襄公驪元年至六年 衛文公燬元年至二十  
五年成公鄭元年至八年 蔡穆公十六年至二十



九年莊公甲午元年至十九年 鄭文公十四年  
至四十五年 穆公蘭元年 曹昭公三年至九年  
共公襄元年至二十年 陳宣公三十四年至四  
十五年 穆公欸元年至十六年 共公朔元年至五  
年 杞惠公十四年至十八年 成公元年至十八  
年 桓公姑容元年至十年 宋桓公二十三年至  
三十一年 襄公茲父元年至十四年 成公王臣元  
年至十年 秦穆公任好元年至三十三年 楚  
成王十三年至四十五年

文公在位十八年

襄王二十六年至三十三年 頃王元年至六年 匡  
王元年至四年 晉襄公二年至七年 靈公夷臯  
元年至十二年 齊昭公七年至二十年 懿公商  
人元年至四年 衛成公九年至二十六年 蔡  
莊公二十年至三十四年 文公申元年至三年  
鄭穆公二年至十九年 曹共公二十七年至三  
十五年 文公壽元年至九年 陳共公六年至十  
八年 靈公平國元年至五年 杞桓公十一年至



二十八年 宋成公十一年至十七年昭公杵臼  
元年至九年文公鮑元年二年 秦穆公三十四  
年至三十九年康公瑩元年至十二年 楚成王  
四十六年穆王商臣元年至十二年莊王旅元年  
至五年

宣公在位十八年

匡王五年六年定王元年至十六年 晉靈公十  
三年十四年成公黑臀元年至七年景公獮元年  
至九年 齊惠公元元年至十年頃公無野元年

至八年 衛成公二十七年至三十五年穆公速  
元年至九年 蔡文公四年至二十年景公固元  
年 鄭穆公二十年至二十二年靈公夷元年襄  
公元年至十四年 曹文公十年至二十三年宣  
公廬元年至四年 陳靈公六年至十五年成公  
午元年至八年 杞桓公二十九年至四十六年  
宋文公三年至二十年 秦共公稻元年至四  
年桓公榮元年至十四年 楚莊王六年至二十  
三年



成公在位十八年

定王十七年至二十一年簡王元年至十三年  
晉景公十年至十九年厲公州蒲元年至八年  
齊頃公九年至十七年靈公環元年至九年  
衛  
穆公十年十一年定公臧元年至十二年獻公衎  
元年至四年 蔡景公二年至十九年 鄭襄公  
十五年至十八年悼公費元年二年成公踰元年  
至十二年 曹宣公五年至十七年成公負芻元  
年至五年 陳成公九年至二十六年 杞桓公

四十七年至六十四年 宋文公二十一年二十  
二年共公固元年至十三年平公成元年至三年  
秦桓公十五年至二十八年景公元年至四年  
楚共王審元年至十八年 吳子壽夢元年  
魯當  
年<sup>成六</sup>至十三年

襄公在位三十一年

簡王十四年靈王元年至二十七年景王元年  
至三年 晉悼公周元年至十五年平公彪元年至  
十六年 齊靈公十年至二十八年莊公光元年



至六年景公杵臼元年至六年 衛獻公五年至  
三十三年襄公惡元年二年殤公剽元年當魯襄十五年至  
十二年 蔡景公二十年至四十九年靈公般元  
年 鄭成公十三年十四年僖公髡頑元年至五  
年簡公嘉元年至二十四年 曹成公六年至二  
十三年武公滕元年至十三年 陳成公二十七  
年至三十年哀公溺元年至二十七年 杞桓公  
六十五年至七十年孝公匄元年至十七年文公  
益姑元年至八年 宋平公四年至三十四年

秦景公五年至三十五年 楚共王十九年至三  
十一年康王昭元年至十五年邲敖麋元年至三  
年 吳壽夢十四年至二十五年諸樊元年至十  
三年餘祭元年至四年夷末元年二年

昭公在位三十二年

景王四年至二十五年敬王元年至十年 晉平  
公十七年至二十六年昭公夷元年至六年頃公  
去疾元年至十四年定公午元年二年 齊景公  
七年至三十八年 衛襄公三年至九年靈公元



元年至二十五年 蔡靈公二年至十二年平公

廬元年當魯昭十三年至八年悼公東國元年至三年昭公

申元年至九年 鄭簡公二十五年至三十六年

定公寧元年至十六年獻公薑元年至四年 曹

武公十四年至二十七年平公須元年至四年悼

公午元年至九年聲公野元年至五年 陳哀公

二十八年至三十五年惠公吳元年當魯昭十三年至二十

年 杞文公九年至十四年平公郁釐元年至十

八年悼公成元年至八年 宋平公三十五年至

四十四年元公佐元年至十五年景公頭曼元年

至七年 秦景公三十六年至四十年哀公元年

至二十七年 楚郟敖四年靈王虔元年至十二

年平王居元年至十三年昭王軫元年至六年

吳夷末三年至十七年僚元年至十二年闔廬元

年至五年

定公在位十五年

敬王十一年至二十五年 晉定公三年至十七

年 齊景公三十九年至五十三年 衛靈公二



十六年至四十年 蔡昭公十年至二十四年  
鄭獻公五年至十三年 聲公勝元年至六年 曹  
隱公通元年至四年 靖公露元年至四年 陽元年  
至七年 陳惠公二十一年至二十四年 懷公柳  
元年至四年 閔公越元年至七年 杞悼公九年  
至十二年 僖公過元年至十一年 宋景公八年  
至二十二年 秦哀公二十八年至三十六年 惠  
公元年至六年 楚昭王七年至二十一年 吳  
闔廬六年至十九年 夫差元年

哀公在位二十七年

敬王二十六年至四十四年 元王元年至七年 貞  
定王元年 晉定公十八年至四十四年 齊景  
公五十四年至五十八年 安孺子荼元年 悼公陽  
生元年至四年 簡公壬元年至四年 平公騫元年  
至十三年 衛靈公四十一年 四十二年 出公輒  
元年至十三年 莊公蒯聩元年起元年起元年起元  
後元年起後七年 悼公黜元年起元年起元年起元  
十五年至二十八年 成公朔元年起元年起元年起元



鄭聲公七年至三十三年  
 曹陽八年至十五年  
 陳閔公八年至二十四年  
 杞僖公十二年  
 年至十九年  
 閔公維元年至十六年  
 哀公闕路元  
 年至三年  
 宋景公二十三年至四十八年  
 昭公  
 得元年  
 秦惠公七年至九年  
 悼公元年至十五  
 年  
 厲公元年至九年  
 楚昭王二十二年  
 至二十  
 七年  
 惠王章元年至二十一年  
 吳夫差二年  
 至  
 二十三年

春秋一百二十四國爵姓

爵姓具者五十國

魯 蔡 曹 衛 滕 晉 鄭 吳 燕 齊

秦 楚 宋 杞 陳 薛 莒 邾 小邾

許 以上詳見列國興廢說 虞 虢 俱姬姓 邢 荀 息 隨 賈 俱姬姓

祭 凡 滑 原 芮 俱姬姓 巴 邲 俱姬姓 州 姜姓

紀 姜姓 萊 姜姓 梁 嬴姓 徐 邾 俱嬴姓 宿 風姓 胡 媯姓 越 鄆 俱姒

南燕 姒姓 夔 芊姓 鄧 曼姓 邠 偃陽 俱姒姓 舒鳩 偃姓

有爵無姓者十五國



唐侯爵 弦子爵或隗姓 沈子爵或嬴姓 譚子爵或子姓 麋 鼓俱子爵或或祈姓 穀伯爵或嬴姓

頓 宗 邛 白狄 賴 肥 戎蠻 舒俱子爵

有姓無爵者十七國

韓姬姓或侯爵 魏 耿 霍 郤 焦 楊 淮 密俱姬姓

黃嬴姓 羅熊姓或偃姓 申 向俱姜姓 夷妘姓 鄭 瞞漆姓 舒 庸偃姓 戴子姓

爵姓皆亡者三十二國

江或嬴姓 權 六 蓼 桐或俱偃姓 項或姑姓 郕 道 柏 貳

軫 絞 遂 崇 冀 温 厲 巢 康 姒

介 邾 無終 蓐 收 於餘邱 莒氏 根牟

鮮虞 陸渾 房 郟 狄

附庸九國

顓臾 須句 任俱風姓 葛嬴姓 蕭或子姓 牟 極 鄆 鄆



隱公

二

春秋左傳杜注卷第一

華亭姚培謙學



隱公 名息姑惠公之子母聲子謚法不尸其位曰隱

傳惠公元妃孟子 言元妃明始適夫人也 孟子卒 不稱薨不成喪也無謚先夫死

不得從 夫謚 繼室以聲子生隱公 聲謚也蓋孟子之姪娣也諸侯始娶則同姓之國以姪娣媵元妃死則次

繼室 ○姪兄女娣女弟媵以證反 宋武公生仲子仲子生而

有文在其手曰為魯夫人故仲子歸于我 婦人謂嫁曰歸以手理自

然成字有若天命故嫁之於魯 生桓公而惠公薨 言歸魯而生男惠公不以桓生之年薨 是以隱

公立而奉之 隱公繼室之子當嗣世以禎祥之故追成父志為桓尚少是以立為太子帥國人奉之為經元年春不書即位傳



經元年春王正月

隱公之始年周王之正月也凡人君即位欲其體元以居正故不言一年一月也隱雖不即位然攝行君

事故亦朝廟告朔也告朔朝正例在襄二十九年即位例在隱莊閔僖元年

○三月公及邾儀父盟于

蔑

附庸之君未王命例稱名能自通于大國繼好息民故書字貴之名例在莊五年邾今魯國鄒縣也蔑姑蔑魯地魯國卞縣南有姑城○父音甫凡人名地名放此鄒縣今屬山東兗州府姑蔑故城在兗州府泗水縣東

○夏五月鄭伯克段于鄆

不稱國討而言鄭伯譏失教也段不弟故不言弟明鄭伯雖失教而段亦凶逆以君討臣而用二君之例者言段強大僭據大都以耦國所謂得僞曰克也

國討例在莊二十二年得僞例在莊十一年母弟例在宣十七年鄭在滎陽宛陵縣西南鄆今潁川鄆陵縣○鄆音偃古宛陵縣城在今河南開封府新鄭縣東北鄆陵縣今屬開封府

○秋七月天王使宰咺來歸惠公仲子之

宰官咺名也咺贈死不及尸弔生不及哀豫凶事故貶而名之此天子大夫稱字之例仲子者桓公之母婦人無諡故以字配姓來者自外之文歸者不反之辭○咺呼阮反贈芳鳳反

○九月及宋人盟于宿

客主無名皆微者也宿小國東平無鹽縣也凡

盟以國地者國主亦與盟例在僖十九年宋今梁國睢陽縣○無鹽故城在今山東兗州府東平州東二十里睢音雖睢陽故城在今河南歸德府商邱縣南

○冬十有二月祭伯來

祭伯諸侯為王卿士者祭國伯爵也傳曰非王命也釋其不稱使○祭側界反周畿

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

○公子益師卒

傳例曰公不與小斂故不書日所以示薄厚也春秋不以日月為例

隱公

齊桓

王命

未王命

公攝位

而欲求好於邾

故為

故不書爵

曰儀父貴之也

王未賜命以為諸侯

其後儀父服事

齊桓以獎王室

王命以為邾子

故莊

十六年經書邾子克卒

按胡傳

中國之附庸例稱字非貴之也

隱公

齊桓

王命

未王命

公攝位

而欲求好於邾



蔑之盟解所以與盟也。好去聲。

○夏四月費伯帥師城郎不書非公命也費伯魯大夫郎魯邑高平

方與縣東南有郁郎亭傳曰君舉必書然則史之策書皆君命也今不書于經亦因史之舊法故傳釋之諸魯事傳釋不書他皆放此○費魯大夫費夙父之食邑讀如字與季氏費邑讀曰秘者有別魏武封費亭侯即此今山東兗州府魚臺縣西南有費亭方與音房預今魚臺縣東北有郎城

○初鄭武公娶于申曰武姜申國今南陽宛縣宛於元反今河南南陽府南陽縣北有故申城

生莊公及共叔段段出奔共故曰共叔猶晉侯在鄂謂之鄂侯○共音恭莊公寤生驚

姜氏故名曰寤生遂惡之寤寤而莊公已生故驚而惡之○林氏堯叟曰史記云生之難此當是難生故

武姜困而後寤惡鳥路反愛共叔段欲立之欲立以為太子亟請於武公○亟欺冀反數

公弗許及莊公即位為之請制○為去聲制注見五年公曰制

巖邑也虢叔死焉他邑唯命虢叔東虢君也恃制巖險而不修德鄭滅之恐段復然故開以

他邑虢國今滎陽縣○虢瓜伯反東虢故城在今河南開封府汜水縣東十里近滎陽界請京使居之謂之京

城大叔公順姜請使段居京謂之京城大叔言寵異於眾臣京鄭邑今滎陽京縣○大音泰今開封府滎陽縣東南二十里有京縣故城

祭仲曰都城過百雉國之害也祭仲鄭大夫方丈曰堵三堵曰雉一雉之牆長三丈高一

丈侯伯之城方五里徑三百雉故其大都不得過百雉○祭側界反先王之制大都不過參國之

一三分國城之一中五之一小九之一今京不度非制

也不合法度非先王制君將不堪公曰姜氏欲之焉辟害○焉於虔反辟

音對曰姜氏何厭之有○厭平聲不如早為之所使得其所宜無

使滋蔓蔓難圖也蔓草猶不可除况君之寵弟乎



公曰多行不義必自斃子姑待之斃踣也姑且也既而

大叔命西部鄙北部貳於已鄙鄭邊邑公子呂曰國不

堪貳君將若之何公子呂鄭大夫欲與大叔臣請事之若弗

與則請除之無生民心叔久不除則舉國之民當生他心公曰無庸將自

及言無用除之禍將自及大叔又收貳以為已邑前兩屬者今皆取以為已邑至于

廩延言轉侵多也廩延鄭邑陳留酸棗縣北有延津即今開封府延津縣古酸棗城在縣北一說衛輝府汲縣有延津城蓋壤地相接也子

封曰可矣厚將得眾子封公子呂也厚謂土地廣大公曰不義不暱厚

將崩不義于君不親于兄非眾所附雖厚必崩林氏堯叟曰不義之人不為眾所親暱厚而無基將如墻然自然崩壞暱女乙反大

叔完聚完城郭聚人民繕甲兵具卒乘步曰卒車曰乘乘去聲下同將襲鄭夫

人將啟之啟開也公聞其期曰可矣命子封帥車二百

乘以伐京古者兵車一乘甲士三人步卒七十二人帥朝律反京叛大叔段段入于

鄆公伐諸鄆五月辛丑大叔出奔共共國今汲郡共縣今河南衛輝府輝縣

治書曰鄭伯克段于鄆段不弟故不言弟如二君

故曰克稱鄭伯譏失教也謂之鄭志不言出奔難

之也傳言夫子作春秋改舊史以明義不早為之所而養成其惡故曰失教段實出奔而以克為文明鄭伯志在於殺難言其奔程子曰不書

奔義不繫于奔也難去聲遂寘姜氏于城潁城潁鄭地史記正義曰疑許州臨潁縣是今開封府臨潁縣西北十五

里有臨潁故城寘與置通而誓之曰不及黃泉無相見也地中之泉故曰黃泉既

而悔之潁考叔為潁谷封人封人典封疆者水經注潁水出陽城陽乾山之潁谷今河南府登



封縣即陽城也。聞之有獻於公。公賜之食。食舍肉。公問之。對

曰。小人有母。皆嘗小人之食矣。未嘗君之羹。請以

遺之。食而不啜羹。欲以發問也。宋華元殺羊為羹饗士。蓋古賜賤官之常。舍上聲。遺去聲。下同。公曰。爾有母

遺。繫我獨無。繫語助。繫烏兮反。穎考叔曰。敢問何謂也。據武姜在設疑也。

公語之故。語去聲。且告之悔。對曰。君何患焉。若闕地及

泉。闕其月反。隧而相見。其誰曰不然。隧若今延道。公從之。公入

而賦。大隧之中。其樂也。融融。賦詩也。融融和樂也。樂音洛。姜出而

賦。大隧之外。其樂也。洵洵。洵洵舒散也。洵羊世反。遂為母子如初。

君子曰。穎考叔。純孝也。純猶篤也。愛其母。施及莊公。施去聲。詩

曰。孝子不匱。永錫爾類。其是之謂乎。不匱純孝也。莊公雖失之於初。孝心不忘。

考叔感而通之。所謂永錫爾類。詩人之作。各以情言。君子論之。不以文害意。故春秋傳引詩。皆不與今說詩者同。他皆放此。

○秋七月。天王使宰咺來歸惠公仲子之賵。緩且

子氏未薨。故名。惠公葬在春秋前。故曰緩也。子氏仲子也。薨在二年。賵助喪之物。公羊傳。喪事有賵。賵者蓋以馬。以乘馬。

東帛。車馬曰賵。貨財曰賵。衣被曰祿。注以馬者。謂士不備四也。禮既夕曰公賵。玄纁。東帛兩馬是也。乘馬者。謂大夫以上備四也。禮大夫以上至天子。皆乘四馬。所以通四方也。天子七月而葬。同軌畢至。言同軌以別諸四夷之國。

諸侯五月。同盟至。同在方嶽之盟。大夫三月。同位至。古者行役不踰時。士踰

月。外姻至。踰月度月也。姻猶親也。此言赴。弔各以遠近為差。因為葬節。贈死不及尸。尸未葬。稱。弔生不及哀。諸侯已上。既葬則縗麻除。無哭位。諒闇終喪。顧氏去聲。炎武曰。杜氏短喪之說。每於解中見之。而實非也。改。

春秋左傳卷之二十一 隱公



云不當既窆。豫凶事，非禮也。仲子在而來贈故曰豫凶事。按左氏反哭之時，誤以下文夫人子氏薨為即仲子，故以此年歸賵為豫凶事。程子以為仲子繫惠公而言，謂惠公之仲子，妾稱也。以夫人禮賵人之妾，亂倫之甚也。胡氏亦曰：春秋重嫡妾之分，故特貶而書名，以見宰之非宰，皆不以左氏所傳為然也。沈氏堯中又云：當是仲子薨時，追及惠公與公羊兼賵之說，合因併錄焉。

○八月紀人伐夷，夷不告，故不書。夷國在城陽莊武縣，紀國在東莞劇縣，隱十一年傳例曰：凡諸侯有命，告則書，不然則否。史不書於策，故夫子亦不書於經。傳見其事，以明春秋例也。他皆放此。今山東萊州府即墨縣西有莊武故城，青州府壽光縣東南有紀城，齊乘云：即劇城也。夷國，妘姓，莞音官。

有蜚，不為災，亦不書。蜚，負蟻也。莊二十九年傳例曰：凡物不為災，不書。又于此發之者，明傳之所據，非唯史策兼采簡牘之記，他皆放此。蜚，扶味反，蟻音煩，孔疏：蜚，臭蟲也。一名負盤，作負蟻誤。

○惠公之季年，敗宋師于黃。黃，宋邑，陳留外黃縣東有黃城。敗音拜，敗他後放此。外黃故縣，在今開封府杞縣東北。

公立，而求成焉。九月，及宋人盟于宿，始通。

也。經無義例，故傳直言其歸，趣而已。他皆放此。趣，去聲。

○冬十月庚申，改葬惠公，公弗臨，故不書。以桓為太子，故隱公讓而不敢為喪主，隱攝君政，故據隱而言。

惠公之薨也，有宋師，太子少葬，故有闕，是以改葬。衛侯來會葬，不見公，亦不書。諸侯會葬，非禮也。不得接公成禮，故不書于策。他皆放此。衛國在汲郡朝歌縣。朝歌故城在今河南衛輝府淇縣東北。

鄭共叔之亂，公孫滑出奔衛，衛人為之伐鄭，取廩延，鄭人以王師號師伐衛南鄙。

請師於邾，邾子使私於公子豫。號國也。弘農陝縣東南有號城。今河南南府陝州即陝縣。公子豫，魯大夫，私請師。

豫請往，公弗許，遂行。及邾人、鄭人盟于翼。

夫私請師，豫請往，公弗許，遂行。及邾人、鄭人盟于翼。



翼邾地。在今山東兗州府費縣西南。不書。非公命也。

○新作南門。不書。亦非公命也。非公命不書。三見者。皆與作大事各舉以備文。

○十二月。祭伯來。非王命也。

○衆父卒。公不與小斂。故不書日。衆父。公子益師字。衆音終。禮卿佐之喪。小斂。大斂君皆親臨之。崇恩厚也。始死。情之所篤。禮之所崇。故以小斂為文。至于但臨大斂。及不臨其喪。亦同不書日。程子曰。或日或不日。因舊史也。與去聲。

斂力。驗反。經二年春公會戎于潛。戎狄夷蠻皆氏羗之別種也。戎而書會者。順其俗以為禮。皆謂居中國若戎子駒支者。陳留濟陽縣東南有戎城。潛魯地。林氏堯叟曰。會戎于潛。春秋之始。曾吳黃池春秋之終。氏都兮反。濟上聲。水名。凡地名皆同。故戎城在今山東兗州府曹縣潛蓋近戎之地。

○夏五月。莒人入向。向小國也。譙國龍亢縣東南有向城。莒國今城陽莒當在兗州府西南境。

○無駭帥師入極。縣也將卑師少稱人弗地曰入。例在襄十三年。向舒亮反。亢音剛。今江南鳳陽府懷遠縣西四十里有故縣村。漢置向縣。龍亢在其西。顧氏炎武曰。龍亢在今鳳陽之懷遠。疑遠于欽齊乘言。今沂州西南一百里有向城鎮。近是莒縣。今山東青州府莒州是也。

秋八月庚辰。公及戎盟于唐。高平方與縣北有武唐亭。八月無誤。○孔疏杜勤經傳上下日月制為長歷。此年八月壬寅朔。其月三日甲辰十五日丙辰。二十七日戊辰。其月無庚辰也。七月壬申朔。則九日有庚辰。武唐亭在今山東兗州府魚臺縣西有極亭。

○九月。紀裂繻來逆女。裂繻。紀大夫。傳曰。卿為君逆也。以別卿自逆也。逆女。或稱使或不稱使。昏禮不稱主人。史各隨其實而書。非例也。他放此。○繻音須。

○冬十月。伯姬歸于紀。無傳。伯姬。魯女。裂繻所逆者。

○紀子帛。莒子盟于密。子帛。裂繻字也。莒魯有怨。紀侯既昏于魯。使大夫盟莒以和解之。子帛為魯結好。息民。故傳曰。魯故也。比之內大夫。而在莒子上。稱字。以嘉之也。字例在閔元年。密莒邑。城陽淳于縣東北有密鄉。○程子曰。闕文也。當云紀



侯某伯莒子盟于密左氏附會作帛杜預以為裂縵之字春秋無大夫在諸侯上者公羊穀梁皆作伯家氏鉉翁曰于蔑內盟之始于密外盟之始內外盟必書志東遷諸侯無所統自相為盟也密鄉故城在今山東萊州府昌邑縣東南十五里 ○十有二月乙卯夫

人子氏薨無傳桓未為君仲子不應稱夫人隱讓桓以為太子成其母喪以赴諸侯故經於此稱夫人也不反哭故不書葬例在三年

年○按穀梁傳夫人者隱之妻也卒而不書葬夫人之義從君者也夫春秋隱稱公則妻稱夫人無可疑者杜曰桓母公羊曰隱母均失之矣

鄭人伐衛凡師有鐘鼓曰伐例在莊二十九年

傳二年春公會戎于潛修惠公之好也戎請盟公

辭許其修好而不許其盟禦夷狄者不壹而足

○莒子娶于向向姜不安莒而歸夏莒人入向以

姜氏還傳言失婚姻之義凡得失小故經無異文而傳備其事案文則是非足以為戒他皆放此○還音旋後皆同

○司空無駭入極費季父勝之魯司徒司馬司空皆卿也季父費伯也前年城郎今因得

以勝極故傳於前年發之○季音琴

○戎請盟秋盟于唐復脩戎好也○復扶又反

○九月紀裂繻來逆女卿為君逆也○為去聲

○冬紀子帛莒子盟于密魯故也○按啖氏助以為此左氏附會

○鄭人伐衛討公孫滑之亂也治元年取廩延之亂

經三年春王二月己巳日有食之無傳日行遲一歲一周天月行疾一月一周天一歲

凡十二交會然日月動物雖行度有大量不能不小有盈縮故有雖交會而不食者或有頻交而食者唯正陽之月君子忌之故有伐鼓用幣之事今釋例以長歷推經傳明此食是二月朔也不書朔史失之書朔日例在桓十七年○按日遲月疾歷家之說也朱子有定論縮所六反 ○三月



庚戌天王崩

周平王也實以壬戌崩欲諸侯之速至故遠日以赴春秋不書實崩日而書遠日者即傳其偽以懲創臣子之過也襄二

十九年傳曰鄭上卿有事使印段如周會葬今不書葬魯不會○劉氏啟曰赴以庚戌史自當書庚戌聖人雖欲遷正亦不可得豈故傳其偽者乎○

夏四月辛卯君氏卒

隱不敢從正君之禮故亦不敢備禮於其母○君公穀胡傳並作尹○秋武

氏子來求賻

武氏子天子大夫之嗣也平王喪在殯新王未得行其爵命聽于冢宰故傳曰王未葬釋其所以稱父族又不稱使也魯

不共奉王喪致令有求經直文以示不敬故傳不復具釋也○公羊傳稱武氏子何父卒子未命也程子曰武氏王之卿士稱武氏見其世官賻音附共音恭

○八月庚辰宋公和卒

稱卒者畧外以別內也元年大夫盟于宿故赴以名例在七年○程氏端學曰諸侯

書卒正也書薨者臣子之詞也故內書薨而外書卒

○冬十有二月齊侯鄭伯盟于

石門

來告故書石門齊地或曰濟北盧縣故城西南濟水之門○張氏洽曰隱公十一年之間盟而不食言者惟此石門之盟二君終身未嘗相伐

蓋齊方盛強而鄭之深讐專在于宋故鄭莊恃齊以敵之雖齊間與宋盟好而左右離間必使惟已之從是以石門之盟雖不寒而宋與許紀諸國交受

伐春秋詳書于策將使後人考其本末而知鄭莊多詐齊僖不義二國相與

之固列國並被其禍也汪氏克寬曰左傳尋盧之盟則春秋之前齊鄭已有

盟陳氏以石門之盟為諸侯之合特據春秋所書以立義耳元年盟蔑已特

相盟然僅與附庸同歟非關于天下之故惟石門乃肇霸之端故特書之盧

縣故城在今山東濟南府長清縣西南

○癸未葬宋穆公

無傳魯使大夫會葬故書始死書卒史在國承赴為君故

傳三年春王三月壬戌平王崩赴以庚戌故書之

○夏君氏卒聲子也不赴于諸侯不反哭于寢不

耐于姑故不曰薨不稱夫人故不言葬

夫人喪禮有三薨則赴于同盟之國一也既葬日中自墓反虞于正寢所謂反哭于寢二也卒哭而耐于祖姑三也若此則書曰夫人某氏薨葬我小君某氏此備禮之文也其或不赴

不耐則為不成喪故死不稱夫人薨葬不言葬我小君某氏反哭則不書葬不反哭則不書葬今聲子三禮皆闕釋例論之詳矣○耐音附



姓為公故曰君氏

不書姓辟正夫人也。隱見為君故特書于經。稱曰君氏以別凡妾媵。按胡傳尹氏天子大夫世執

朝權為周階亂因其告喪以氏書者志世卿非禮為後鑒也。此從公穀二家及程子之說。考古未有稱君母為君氏者。則左氏之失矣。疑焉為去聲。

○鄭武公莊公為平王卿士

卿士王卿之執政者。言父子秉周之政。

王貳于

號

號西號公亦仕王朝王欲分政于號不復專任鄭伯

鄭伯怨王王曰無之故周鄭交

質王子狐為質于鄭鄭公子忽為質于周

王子狐平王子質音致

王崩周人將昇號公政

周人遂成平王本意。昇必二反。

四月鄭祭足帥

師取溫之麥秋又取成周之禾

四月今二月也。秋今之夏也。麥禾皆未熟言取者蓋其踐

之溫今河內溫縣成周洛陽縣也。按此以夏正紀事也。左氏雜取諸侯史策有用周正者有用夏正者杜謂取禾蓋其踐之非也。溫縣今屬河南懷慶府古溫城在縣西南三十里。河南府洛陽縣東北有洛陽故城。周鄭交惡兩相疾惡。惡鳥路反。君子曰信

不由中質無益也明恕而行

明則此心相知恕則不責其所不及

要之以

禮

要平聲雖無有質誰能間之苟有明信澗谿沼沚之

毛

谿亦澗也沼池也。沚小渚也。毛草也。

蘋蘩蕓藻之菜

蘋大萍也蘩皤蒿蕓藻聚藻也。蕓紆粉反。潘蒲多反。白蒿也。筐

筥錡釜之器

方曰筥圓曰釜無足曰釜有足曰錡。錡其錡反。

潢汙行潦之水

潢音黃。潦音老。

可薦於鬼神可羞於王公

羞進也而况君子結二

國之信行之以禮又焉用質

通言盟約彼此之情故言二國

風有采蘋

采蘋

采蘋采蘋詩國風義取於不嫌薄物

雅有行葦洞酌

詩大雅也行葦篇義取忠厚也。洞酌篇義取雖行潦

可以共祭祀也

昭忠信也

明有忠信之行雖薄物皆可用

○武氏子來求賻王未葬也



○宋穆公疾召大司馬孔父而屬殤公焉○屬章欲反曰

先君舍與夷而立寡人先君穆公兄宣公也與夷宣公子即所屬殤公○舍上聲寡人弗

敢忘若以大夫之靈得保首領以沒先君若問與

夷其將何辭以對請子奉之以主社稷寡人雖死

亦無悔焉對曰羣臣願奉馮也馮穆公子莊公也○馮皮水反公曰不

可先君以寡人為賢使主社稷若弃德不讓是廢

先君之舉也豈曰能賢言不讓則不足稱賢光昭先君之令德可

不務乎吾子其無廢先君之功先君以舉賢為功我若不賢是廢之使公

子馮出居于鄭辟殤公也八月庚辰宋穆公卒殤公即位

君子曰宋宣公可謂知人矣立穆公其子饗之命

以義夫命出於義也夫語助○夫音扶商頌曰殷受命咸宜百祿是荷

其是之謂乎詩頌言殷湯武丁受命皆以義故任荷天之百祿也師義而行則殤公宜受此命宜荷此祿公子馮不帥父義忿而出奔

因鄭以求入終傷咸宜之福故知人之稱唯在宣公也殷禮有兄弟相及不必傳子孫宋其後也故指稱商頌○按傳引商頌義取宣公知人命弟以義其子卒饗其福杜氏不免曲解荷河可反任平聲之稱去聲

○冬齊鄭盟于石門尋盧之盟也盧盟在春秋前盧齊地今濟北盧縣故城庚

戌鄭伯之車僨于濟既盟而遇大風傳記異也十二月無庚戌日誤○僨弗問反○禹貢導沅水東流為濟書傳濟

水出河東郡垣曲縣王屋山至青州博興縣入海今垣曲屬山西平陽府博興屬山東青州府

○衛莊公娶于齊東宮得臣之妹曰莊姜得臣齊大夫也太子不敢



居上位故常處東宮美而無子衛人所為賦碩人也碩人詩義取莊姜美于色賢于德而不見答終以無子國又娶于陳曰厲嬀生孝伯早死陳今陳國陳縣

○即今河南開封府陳州媯九危反其娣戴媯生桓公莊姜以為已子嬀親幸也○嬀音也屬戴

皆謚雖為莊姜子然大子之位未定公子州吁嬀人之子也嬀親幸也○嬀音有寵

而好兵公弗禁莊姜惡之石碯諫曰臣聞愛子教

之以義方石碯衛大夫○碯七畧反弗納於邪驕奢淫泆○泆夷質反所自

邪也四者之來寵祿過也將立州吁乃定之矣若

猶未也階之為禍言將立為大子則宜早定若不早定州吁必緣寵而為禍夫寵而不驕

驕而能降降而不憾憾而能矜者鮮矣如此者少也降其身則必恨恨

則思亂不能自安自重○矜之忍反重也○說文目有所恨而止也鮮上聲且夫賤妨貴少陵長○少去聲長丁丈反

遠間親新間舊○間去聲小加大小國而加兵於大國如息侯伐鄭之淫

破義所謂六逆也君義臣行父慈子孝兄愛弟敬

所謂六順也臣行君之義去順效逆○去上聲下同所以速禍也君

人者將禍是務去而速之無乃不可乎弗聽其子

厚與州吁游禁之不可桓公立乃老老致仕也四年經書州吁弑其君故傳先

經以始事○先去聲

經四年春王二月莒人伐杞取牟婁無傳書取言易也例在襄十三年杞國本

都陳留雍邱縣推尋事跡桓六年淳于公亡國杞似并之遷都淳于僖十四年又遷緣陵襄二十九年晉人城杞之淳于杞又遷都淳于牟婁杞邑城陽諸縣



東北有婁鄉。○胡傳取者收奪之名。雍去聲。雍邱縣今河南開封府杞縣是也。山東青州府安邱縣有淳于故城。婁鄉城在青州府諸城縣境。

○戊申，衛州吁弒其君完。稱臣弒君，臣之罪也。例在宣四年。戊申三月十七日，有日而無月。

夏，公及宋公遇于清。遇者，草次之期。二國各簡其禮。若道路相逢，遇也。清，衛邑。濟北東阿縣有清亭。○東阿縣

今屬山東○宋公陳侯蔡人衛人伐鄭。○胡傳：首謀在衛，而以宋主兵，何也？宋殤不恤

衛有弒君之難，欲定州吁而從其邪說，故以宋公為首。諸國為從。林氏堯叟曰：此東諸侯分黨之始。於是齊鄭一黨也。魯宋陳蔡衛一黨也。東諸侯分黨而

天下始○秋，翬帥師會宋公陳侯蔡人衛人伐鄭。公子

多故矣。大夫不稱公子，疾其固請強君以不義也。諸外大夫貶皆稱人，至于內大夫貶則皆去族稱名於記事之體。他國可言某人而已，國之御佐不得言魯人，此所以為異也。翬，溺去族，傳曰疾之叔孫豹，則曰言違命，此其例也。○翬許歸反，強其丈反，去上聲。○按經書翬帥師，則翬之專兵可知，不繫于公子之去否也。孫

氏復謂翬不氏，未命也，似為得之。程子曰：再序四國，重言其罪。左氏以為再伐，妄也。林氏堯叟曰：此大夫專將之始。○九月，衛人

殺州吁于濮。州吁弒君而立，未列於會，故不稱君。例在成十六年。濮，陳地。水名。○濮音卜。○公羊傳：其稱人何？討賊之辭也。劉氏敞曰：杜

氏云：未列於會，故不稱君。是篡弒之人已會諸侯，則無咎矣。此豈王法哉？○冬，十有二月，衛人立晉

衛人逆公子晉而立之，善其得眾，故不書入于衛。變文以示義，例在成十八年。

傳四年，春，衛州吁弒桓公而立

○公與宋公為會，將尋宿之盟，未及期，衛人來告

亂。夏，公及宋公遇于清。宿盟在元年。○林氏堯叟曰：因衛亂而簡其禮以相見。

○宋殤公之即位也，公子馮出奔鄭，鄭人欲納之

及衛州吁立，將脩先君之怨於鄭。謂二年鄭人伐衛之怨。而求寵

於諸侯，以和其民。諸篡立者，諸侯既與之會，則不復討，故欲求此寵。使告於宋曰：君

隱公

三

三

三

三

三



若伐鄭以除君害害謂宋公子馮君為主敝邑以賦與陳蔡

從則衛國之願也言舉國之賦調從調並去聲宋人許之於是陳蔡

方睦於衛蔡今汝南上蔡縣上蔡縣今屬河南汝寧府縣西南十里有故蔡國城故宋公陳侯蔡

人衛人伐鄭圍其東門五日而還公問於眾仲曰

衛州吁其成乎眾仲魯大夫對曰臣聞以德和民不聞

以亂亂謂阻兵而安忍以亂猶治絲而棼之也絲見棼緼蓋所以亂棼音墳緼於云反

夫州吁阻兵而安忍阻兵無眾安忍無親眾叛親

離難以濟矣恃兵則民殘民殘則眾叛安忍則刑過刑過則親離夫兵猶火也弗戢將

自焚也夫州吁弑其君而虐用其民於是乎不務

令德而欲以亂成必不免矣

○秋諸侯復伐鄭宋公使來乞師乞師不書非卿公辭之從

仲之言羽父請以師會之羽父公子翬公弗許固請而行故書

曰翬帥師疾之也諸侯之師敗鄭徒兵取其禾而

還時鄭不車戰

○州吁未能和其民厚問定君於石子石子石碯也以州吁不安諮其

父石子曰王覲為可曰何以得覲曰陳桓公方有寵

於王陳衛方睦若朝陳使請必可得也厚從州吁

如陳石碯使告于陳曰衛國褊小老夫耄矣無能



為也此二人者實弑寡君敢即圖之八十曰耄稱國小已老自謙以委陳使因

其往就圖之陳人執之而請涖于衛請衛人自臨討之九月衛人使右

宰醜涖殺州吁于濮石碣使其宰孺羊肩涖殺石

厚于陳孺奴侯反君子曰石蜡純臣也惡州吁而厚與

焉惡烏路反與音預大義滅親其是之謂乎子從弑君之賊國之大逆不可不除故曰大義滅親

明小義則當兼子愛之

○衛人逆公子晉于邢邢注見五年冬十二月宣公即位

公子晉也書曰衛人立晉眾也按公羊傳立者不宜立也其稱人何眾之所欲立也眾雖欲立之其立之非也立說更為完備

經五年春公矢魚于棠書陳魚以示非禮也書棠譏遠地也今高平方與縣北有武唐亭魯侯觀魚臺○今兗州府魚臺縣魚亭山是其處也

○夏四月葬衛桓公○秋衛師入邠將師眾但稱師此史之常也

○九月考仲子之宮初獻六羽成仲子宮安其主而祭之惠公以仲子手文娶之欲以為夫人諸侯無二嫡蓋隱公成父之志為別立宮也公問羽數故書羽婦人無謚因姓以名宮○服氏虔曰官廟初成祭之名為考孫氏覺曰凡舞有于羽此不言于但言羽者婦人無武事但陳羽舞也

○邾人鄭人伐宋邾主兵故序鄭上○螟無傳蟲食苗心者為災故書○螟音冥

○冬十有二月辛巳公子彊卒大夫書卒不書葬葬者臣子之事非公家所及○彊苦侯反

○宋人伐鄭圍長葛穎川長社縣北有長葛城○在今河南開封府許州長葛縣北十二里

傳五年春公將如棠觀魚者孔疏捕魚謂之魚臧僖伯諫曰凡

魚謂之魚臧僖伯諫曰凡



物不足以講大事

臧僖伯公子疆也僖謚也大事祀與戎○孔疏僖伯字子臧其孫始得以王父字為氏今加臧于僖

伯之上以其為臧氏之祖傳家追言之也

其材不足以備器用則君不舉焉謂

皮革齒牙骨角毛羽也器用軍國之器

君將納民於軌物者也故講事以度

軌量

講習大事以準度軌法度量度待洛反

謂之軌取材以章物采

取鳥獸之材以章明物

色采

謂之物不軌不物謂之亂政亂政亟行所以敗

也

言器用眾物不入法度則為不軌不物亂敗之所起○亟欺冀反

故春蒐夏苗秋獮冬狩蒐

擇取不孕者苗為苗除害也獮殺也以殺為名順秋氣也狩圍守也冬物畢成獲則取之無所擇也○蒐所求反獮息淺反索所百反

皆於

農隙以講事也

各隨時事之間

三年而治兵入而振旅

時講武猶復三年而大習出曰治兵始治其事入曰振旅治兵禮畢整眾而還振整也旅眾也

歸而飲至以數軍實

四

雖

隙去逆反

車服

昭文章

車服

明貴賤辨等列

等列

順

飲于廟以數車徒器械及所獲也○數上聲

昭文章

車服

明貴賤辨等列

少長

出則少者在前還則在後所謂順也

習威儀也鳥獸之肉不登於俎

俎祭宗廟器

皮革齒牙骨角毛羽不登於器

謂以飾法度之器

則公

不射

射食亦反

古之制也若夫山林川澤之實器用之

資阜隸之事官司之守非君所及也

士臣阜阜臣與與臣隸言取此雜猥之物

以資器備是小臣有司之職非諸侯之所親也○阜才早反○器用謂居常器用

公曰吾將畧地焉

孫辭以畧地畧

總攝巡行之名傳曰東畧之不知西則否矣○行下孟反

遂往陳魚而觀之

陳設張也公大設捕魚之備而觀之

伯稱疾不從

從去聲

書曰公矢魚于棠非禮也且言遠

地也

矢亦陳也棠實他竟故曰遠地

陰公

陰公

陰公

陰公



○曲沃莊伯以鄭人邢人伐翼

曲沃晉別封成師之邑在河東聞喜縣莊伯成師子也翼

晉舊都在平陽絳邑縣東邢國在廣平襄國縣沃烏毒反聞喜縣今屬山西平陽府翼今平陽府翼城縣是也縣東南有古翼城襄國故城在直隸順德府邢臺王使尹氏武氏助之翼侯奔隨

尹氏武氏皆周世族大夫也晉內相攻伐不告亂故不書傳具其事為後晉事張本曲沃及翼本末見桓二年隨晉地今介休縣東有古隨城屬山西汾州府

○夏葬衛桓公衛亂是以緩

有州吁之亂十四月乃葬傳明其非慢也

○四月鄭人侵衛牧

牧衛邑經書夏四月葬衛桓公今傳直言夏而更以四月附鄭人侵衛牧者於下事宜得月以

明事之先後故不復備舉經文三年君氏卒其義亦同他皆放此牧今汲縣地也屬河南衛輝府以報東門之役

東門役在

四衛人以燕師伐鄭

南燕國今東郡燕縣今汲縣西有古東燕城孔疏燕有二國一稱北燕故此注言南燕以別之

鄭祭足原繁洩駕以三軍軍其前使曼伯與子元

潛軍軍其後燕人畏鄭三軍而不虞制人

北制鄭邑今河南成臯縣

也一名虎牢洩息列反今汜水縣西有虎牢城屬河南開封府

六月鄭二公子以制人敗燕

師于北制

二公子曼伯子元也顧氏炎武曰子元疑即厲公字昭十一年申無字曰鄭莊公城櫟而寘子元焉使昭公不立杜以為別

一人非也六年突為三覆以敗戎桓五年子元為二拒以敗王師固即一人而或稱字或稱名耳

君子曰不備不虞

不可以師

○曲沃叛王秋王命虢公伐曲沃而立哀侯于翼

春翼侯奔隨故立其子光

○衛之亂也邠人侵衛故衛師入邠

邠國也東平剛父縣西南有邠鄉今山

東兗州府寧陽縣北有盛鄉城是也堙城壩即剛父故縣



○九月考仲子之宮將萬焉萬舞也。○萬舞者文武二舞之總名。公問羽

數於眾仲問執羽人數對曰天子用八八八六十四人諸侯用六六六三十二人

大夫四四四十六人士二二二四八人夫舞所以節八音而行

八風八音金石絲竹匏土革木也。八風八方之風也。以八音之器播八方之風手之舞之足之蹈之節其制而序其情。故自八

以下唯天子得盡物數故以八為列諸侯則不敢用八。公從之於是初獻六羽始用

六佾也魯唯文王周公廟得用八而他公遂因仍僭而用之今隱公特立此氏舞八佾于庭知唯在仲子廟用六

○宋人取邾田邾人告於鄭曰請君釋憾於宋敝

邑為道釋四年再見伐之恨。道音導。鄭人以王師會之王師不書不以告也。○汪氏克寬曰鄭莊

伐宋入其郛以報東門之役是時為王卿士故擅與天子鄉遂之兵非王室遣將故不書

宋人使來告命告命策書公聞其入郛也將

救之問於使者曰使去聲師何及對曰未及國忽公知而故問責窮辭

公怒乃止辭使者曰君命寡人同恤社稷之難今

問諸使者曰師未及國非寡人之所敢知也為七年公伐邾傳

○冬十二月辛巳臧僖伯卒公曰叔父有憾於寡

人諸侯稱同姓大夫長曰伯父少曰叔父有恨恨諫觀魚不聽寡人弗敢忘葬之加一等命加

服之等

○宋人伐鄭圍長葛以報入郛之役也



經六年春鄭人來渝平

和而不盟曰平。渝羊朱反。

○夏五月辛酉

公會齊侯盟于艾

泰山牟縣東南有艾山。在今山東青州府蒙陰縣西北。

○秋七月

書首月具四時以成歲也。他皆放此。

○冬宋人取長葛

秋取冬乃告也。上有伐鄭圍長葛。長葛鄭邑。可知故不言。

鄭也。前年冬圍不克而還。今冬乘長葛無備而取之。言易也。○劉氏啟曰。左氏作秋。杜氏云。秋取冬來告。非也。史之記事。雖據赴告而書。至其日月。猶當依先後次序。豈得但據告時編之乎。然左傳日月與經不同者多。或邱明作書。雜取當時諸侯史策。有用夏正者。有用周正者。故經所云冬。傳謂之秋也。按前圍今取諸家。並云一役。杜氏分為兩役。亦非。

傳六年春鄭人來渝平更成也

渝變也。公之為公子。戰于狐壤。為鄭所執。逃歸。怨鄭。鄭伐

宋。公欲救宋。宋使者失辭。公怒而止。忿宋則欲厚鄭。鄭因此而來。故經書渝平。傳曰更成。○孔疏。變即更之義。成即平之訓。自狐壤以來。與鄭不和。今日復和。故曰更成。言更復狐壤以前之好也。按渝平。公穀並作輸平。胡傳。輸者納也。平者成也。鄭人納成于魯也。汪氏克寬曰。輸之為言。必有貨賂行乎其間。而非虛言求

平矣。乃鄭志而非魯志也。更音庚。

○翼九宗五正頃父之子嘉父逆晉侯于隨

翼晉舊都也。唐

叔始封。受懷姓。九宗。職官五正。遂世為晉強家。五正。五官之長。九宗。一姓為九族也。頃。父之子。嘉父。晉大夫。○頃音傾。

納諸鄂晉

人謂之鄂侯

鄂。晉別邑。諸地名疑者。皆言有以示不審。闕者不復記。其闕他皆放此。前年桓王立此侯之子於翼。故不得復

入翼。別居鄂。在今山西平陽府鄉寧縣南。

○夏盟于艾始平于齊也

春秋前魯與齊不平。今乃弃惡結好。故言始平于齊。

○五月庚申鄭伯侵陳大獲往歲鄭伯請成于陳

成猶平也。陳侯不許五父諫曰親仁善鄰國之寶也君其

許鄭五父陳公子佗陳侯曰宋衛實難可畏難也。難去聲。鄭何能為遂不



許君子曰善不可失惡不可長其陳桓公之謂乎長惡不悛從自及也悛止也從隨也雖欲救之其將能乎商書

曰惡之易也如火之燎于原不可鄉邇商書盤庚言惡易長如火焚原

野不可鄉近其猶可撲滅言不可撲滅周任有言周任周大夫曰為國

家者見惡如農夫之務去草焉芟夷蕪蒞之絕其

本根勿使能殖則善者信矣芟刈也夷殺也蕪積也崇聚也去上聲蕪紆粉反信音申

○秋宋人取長葛

○冬京師來告饑公為之請糴于宋衛齊鄭禮也

告饑不以王命故傳言京師而不書于經也雖非王命而公共以稱命已國不足旁請鄰國故曰禮也傳見隱之賢為去聲共音恭

○鄭伯如周始朝桓王也桓王即位周鄭交惡至是乃朝故曰始王不禮焉

周桓公言於王曰我周之東遷晉鄭焉依周桓公周公黑肩也周采

善鄭以勸來者猶懼不訖訖至也訖其器反况不禮焉鄭不

來矣為桓五年諸侯從王伐鄭傳

經七年春王三月叔姬歸于紀無傳叔姬伯姬之娣也至是歸者待年於父母國不與嫡

俱行故書何氏休曰媵賤書者後為嫡終有賢行紀侯為齊所滅紀季以鄗入于齊叔姬歸之能處隱約全竟婦道故重錄之○滕侯

卒傳例曰不書名未同盟也滕國在沛國公邱縣東南○夏城中邱

城例在莊二十九年中邱在琅邪臨沂縣東北○今兗州府沂州東北三十里有中邱城○齊侯使其弟年來



聘諸聘皆使卿執玉帛以相存問例在襄九年 ○秋公伐邾 ○冬天王使凡伯

來聘戎伐凡伯于楚邱以歸凡伯周卿士凡國伯爵也汲郡共縣東南有凡城戎鳴鐘鼓以

伐天子之使見夷狄強譏不書凡伯敗者單使無眾非戰陳也但言以歸非執也楚邱衛地在濟陰成武縣西南○譏蒲報反○凡縣故城在今河南衛輝府輝縣西南二十里楚邱今兗州府曹縣東楚邱亭是也

傳七年春滕侯卒不書名未同盟也程子曰不名史闕文也孫氏覺曰記卒

記名者即位之初以名赴我我因其卒得以名之于冊也卒而不名者即位之初不赴于我或史失之不得記其名也故春秋記外諸侯之卒一百三十有三而無名者十必若以盟會求之則未嘗與者五十二而不名者九耳未可通也凡諸侯同盟於是稱名

故薨則赴以名盟以名告神故薨亦以名告同盟告終稱嗣也以繼好息

民告亡者之終稱嗣位之主嗣位之主當奉而不忘故曰繼好好同則和親故曰息民○好去聲謂之禮經此言凡例乃周公所制禮

經也十一年不告之例又曰不書于策明禮經皆當書于策仲尼修春秋皆承策為經邱明之傳博采眾記故始開凡例特顯此二句他皆放此○趙氏匡曰諸侯同盟名于載書朝會名于要約聘告名于簡牘故于卒赴可知而紀也左氏曰同盟則赴以名豈有臣子當創巨痛深之日乃忍稱君之名禮篇所錄云寡君不祿而已

○夏城中邱書不時也

○齊侯使夷仲年來聘結艾之盟也艾盟在六年

○秋宋及鄭平七月庚申盟于宿公伐邾為宋討

也公距宋而更與鄭平欲以鄭為援今鄭復與宋盟故懼而伐邾欲以求宋故曰為宋討

○初戎朝于周發幣于公卿凡伯弗賓朝而發幣於公卿如今計獻詣

公府卿寺○林氏堯叟曰冬王使凡伯來聘還戎伐之于楚如今奉使而私覲之禮



邱以歸傳言凡伯所以見伐

○陳及鄭平六年鄭侵陳大獲今乃平

十二月陳五父如鄭涖盟涖臨也

壬申及鄭伯盟敵如忘志不在於敵血敵色洽反忘去聲

洩伯曰五父必

不免不賴盟矣洩伯鄭洩駕

鄭良佐如陳涖盟良佐鄭大夫辛巳

及陳侯盟亦知陳之將亂也入其國觀其政治故總言之也皆為桓五年六年陳亂蔡人殺陳佗傳

○鄭公子忽在王所故陳侯請妻之以忽有王寵故妻去聲

鄭伯

許之乃成昏為鄭忽失齊昏援以至出奔傳

經八年春宋公衛侯遇于垂垂衛地濟陰句陽縣東北有垂亭句古侯反今山東兗州府曹州

北句陽店是其地也

○三月鄭伯使宛來歸枋宛鄭大夫不書氏未賜族枋鄭祀泰山之邑在琅邪費縣

東南○宛於阮反枋必彭反○今兗州府費縣治故枋城是也

庚寅我入枋桓元年乃卒易枋田知此入枋未肯受而有之

○張氏洽曰因鄭歸我使吏治其地政而主有之

○夏六月己亥蔡侯考父卒無傳襄六年

年傳曰杞桓公卒始赴以名同盟故也諸侯同盟稱名者非唯見在位二君也嘗與其父同盟則亦以名赴其子亦所以繼好也蔡未與隱盟蓋春秋前與惠公盟故赴以名

○見賢遍反

辛亥宿男卒無傳元年宋魯大夫盟于宿宿與盟也晉荀偃禱河稱齊晉君名然後自稱名知雖

大夫出盟亦當先稱己君之名以故神明故薨皆從身盟之例當告以名也傳例曰赴以名則亦書之不然則否辟不敏也今宿赴不以名故亦不書名諸例或發於始事或發於後者因宜有所異同亦或邱明所得

記注本末不能皆備故○孫氏覺曰此與滕侯不名同例

○秋七月庚

午宋公齊侯衛侯盟于瓦屋齊侯尊宋使主會故宋公序齊上瓦屋周地今河南開封府

涓川縣南二十里瓦屋里是其地陳氏傳良曰諸侯之參盟于是始有參盟然後有主盟按二年于密已是參盟特皆小國若大國參盟則自瓦屋始耳

○八月葬蔡宣公無傳三月而葬速

○九月辛卯公及莒人盟



于浮來

莒人微者不嫌敵公侯故直稱公例在僖二十九年浮來紀邑東莞縣北有邳鄉邳鄉西有公來山號曰邳來間邳蒲悲反今山東青州府莒州西二十里有浮來

○螟無傳為災

○冬十有二月無駭卒

公不與小斂故不書日卒

而後賜族故不書氏。胡傳諸侯之子為大夫則稱公子其孫也而為大夫則稱公孫公孫之子與異姓之臣未賜族而身為大夫則稱名已賜族而使之世為大夫則稱族古者置卿必求賢德不以世官春秋之初猶為近古故無駭與挾皆書名耳

傳八年春齊侯將平宋衛

平宋衛於鄭

有會期宋公以幣

請於衛請先相見

宋敬齊命

衛侯許之故遇于犬邱

犬邱垂也地有

兩名。李氏廉曰垂之遇左氏以宋衛有怨于鄭而齊欲平之蓋鄭之怨衛因公孫滑宋之怨鄭因公子馮其說似有據然考之于經後此瓦屋止三國參盟而不及鄭十年入鄭伐戴之師又二國為黨以讐鄭則宋衛此謀蓋有志于從齊黨而無意於釋鄭憾也齊僖亦不過假此以求諸侯耳豈真有平怨之本心歟王氏樵曰宋衛素睦而鄭其深讎也齊侯將平宋衛于鄭既有會期矣宋衛乃請先相見而為垂之遇何哉蓋有所謀也况公子馮之在鄭實宋殤之所不能

一日忘情者其所謀於衛者不可知必有所要於鄭者其在去馮乎鄭莊不從故宋不果平瓦屋之盟傳稱齊人卒平宋衛于鄭然鄭不會其故可知也

○鄭伯請釋泰山之祀而祀周公以泰山之祊易

許田三月鄭伯使宛來歸祊不祀泰山也

成王營王城有遷都之志

故賜周公許田以為魯國朝宿之邑後世因而立周公別廟焉鄭桓公周宣王之母弟封鄭有助祭泰山湯沐之邑在祊鄭以天子不能復巡狩故欲以祊易許田各從本國所近之宜恐魯以周公別廟為疑故云已廢泰山之祀而欲為魯祀周公孫辭以有求也許田近許之田。今河南開封府許州西南有魯城本許田後置邑寰宇志謂在許昌城南四十里者是也季氏本曰前年鄭雖納平於魯而交猶未固不足以離宋黨故復以祊結之祊田近魯魯所欲得而鄭遠控制為難則弃以與魯以利餌魯之術也然度其時猶恐魯人不欲當未遽言易許也不然許田何待四年之後始加璧以假乎左氏謂鄭伯請以泰山之田易許田蓋因其終而逆探鄭志耳

○夏虢公忌父始作卿士于周

周人於此遂畀之政



○四月甲辰鄭公子忽如陳逆婦媯辛亥以媯氏歸甲寅入于鄭陳鍼子送女先配而後祖鍼子曰是不為夫婦誣其祖矣非禮也何以能育鍼子陳大夫禮逆婦必先

告祖廟而後行故楚公子圍稱告莊共之廟鄭忽先逆婦而後告廟故曰先配而後祖○鍼其庶反

○齊人卒平宋衛于鄭秋會于温盟于瓦屋以釋

東門之役禮也會温不書不以告也定國息民故曰禮也平宋衛二國

垂齊平宋衛于鄭也秋宋齊衛盟于瓦屋齊卒平宋衛于鄭也此左氏之文也然以經考之遇垂而鄭不聞盟瓦屋而鄭不與鄭豈受平者哉侵牧之役衛鄭怨淺長葛之役宋鄭怨深公子馮在鄭宋殤公未嘗一日忘也宋亟欲去馮而合鄭鄭莊公必不從是故瓦屋之盟絕鄭非平鄭也按程子亦曰宋為主盟與鄭絕也張氏之說固有本矣

○八月丙戌鄭伯以齊人朝王禮也言鄭伯不

以號公得政而背王故禮之齊稱人畧從國辭上有七月庚午下有九月辛卯則八月不得有丙戌○林氏堯叟曰鄭莊因齊僖在周地故以齊朝王

○公及莒人盟于浮來以成紀好也二年紀莒盟于密為魯故今公尋之故曰

以成紀好

○冬齊侯使來告成三國齊侯冬來告稱秋和三國公使眾仲對曰

君釋三國之圖以鳩其民君之惠也寡君聞命矣敢不承受君之明德鳩集也

○無駭卒羽父請謚與族公問族於眾仲眾仲對

曰天子建德立有德以因生以賜姓因其所由生以賜姓謂若舜由媯汭故陳為媯姓胙

之土而命之氏報之以土而命氏曰陳○胙才故反諸侯以字諸侯位卑不得賜姓故其臣因氏其王父



字為謚因以為族或便即先人之謚稱以為族。孔疏如衛齊惡宋戴惡之類按謚當作氏朱子曰以字為氏如鄭之

國氏本子國之後駟氏本子駟之後謂取其舊官舊邑之稱以為族皆稟之時君。林氏堯叟曰世世居其官而有功者則以其官為族若晉士氏中行氏之類或以所封之邑若趙氏韓氏魏氏之類稱去聲官有世功則有官族邑亦如

之後下云公命以字為展氏是也公命以字為展氏諸侯之子稱公子公子之子稱公孫公孫之子以王父字為氏無駭公子

類稱去聲展之孫故為展氏

經九年春天王使南季來聘無傳南季天子大夫也南氏季字也○三月癸

酉大雨震電庚辰大雨雪三月今正月○雨雪于付反傳同○挾卒無傳挾魯大夫

未賜族○挾音協○公穀俱作俠穀梁傳俠者所俠也注俠名也所其氏○夏城郎○秋七月○冬

公會齊侯于防防魯地在琅邪華縣東南○今山東兗州府費縣東北六十里有華城即華縣也

傳九年春王三月癸酉大雨霖以震書始也書癸酉始雨日

庚辰大雨雪亦如之書時失也夏之正月微陽始出未可震電既震電又不當大雨雪故

皆為時失此解經書霖也而經無霖字經誤。劉氏啟曰經有電無霖傳有霖無電凡雨自三日以往為霖

平地尺為大雪傳不解經經反誤哉然邱明不宜革電為霖蓋其所據簡策錯誤不能決之于經直因循舊記而已

○夏城郎書不時也

○宋公不王不共王職鄭伯為王左卿士以王命討之伐

宋宋以入郟之役怨公不告命入郟在五年公以七年伐郟欲以說宋而宋猶不和也

公怒絕宋使秋鄭人以王命來告伐宋遣使致王命也伐宋未得志故

復更告之冬公會齊侯于防謀伐宋也家氏鉉翁曰魯啗于歸枋之利齊背瓦屋之盟連兵而

隱公

隱公

隱公

隱公

隱公

隱公



伐與國內揣有愧故相與假王命非王意也

○北戎侵鄭

林氏堯叟曰言北戎以別戎之雜處中國者

鄭伯禦之患戎師曰

彼徒我車懼其侵軼我也

徒步兵也軼突也○軼夷質反

公子突曰使

勇而無剛者嘗寇而速去之

公子突鄭厲公也嘗試也勇則能往無剛不恥退

君為

三覆以待之

覆伏兵也○覆扶又反下同

戎輕而不整

○輕去聲疾也

貪而無

親勝不相讓敗不相救先者見獲必務進進而遇

覆必速奔後者不救則無繼矣乃可以逞

逞解也○林氏堯叟曰逞

快也言快志于戎

從之戎人之前遇覆者奔祝聃逐之

祝聃鄭大夫○聃他

反衷戎師前後擊之盡殪

為三部伏兵祝聃帥勇而無剛者先犯戎而速奔以遇二伏兵至後伏兵起戎

還走祝聃反逐之戎前後及中三處受敵故曰衷戎師殪死也○衷去聲殪於計反

戎師大奔

後駐軍不復繼也

十一月

甲寅鄭人大敗戎師

此皆春秋時事雖經無正文所謂必廣記而備言之將令學者原始要終尋其枝葉究其所

窮他皆放此

經十年春王二月公會齊侯鄭伯于中邱

傳言正月會癸丑盟釋例

推經傳日月癸丑是正月二十六日知經二月誤

○夏鞏帥師會齊人鄭人伐宋

公子鞏不

待公命而貪會二國之君疾其專進故去氏齊鄭以公不至故亦更使微者從之伐宋不言及明鞏專行非鄭之謀也及例在宣七年

○六

月壬戌公敗宋師于菅

齊鄭後期故公獨敗宋師書敗宋未陳也敗例在莊十一年菅宋地○孫氏覺曰左

氏之例曰未陳而薄之曰敗某師春秋內敗外者凡八豈魯專能未陳而薄人乎敗音拜菅音姦

辛未取郕辛巳取

防鄭後至得郕防二邑歸功于魯故書取明不用師徒也濟陰城武縣東南有郕城高平昌邑縣西南有西防城○接收奪曰取取牟婁長葛之類是也



悉虜而俘之曰取下文鄭伯伐取之是也得非其有曰取此取郕取防及取郕  
 鼎之類是也郕城在今山東兗州府城武縣東南八十里西防城在今兗州府  
 金鄉縣西○秋宋人衛人入鄭宋人蔡人衛人伐戴鄭伯  
 伐取之三國伐戴鄭伯因其不和伐而取之書伐用師徒也書取克之易也  
 戴國今陳留外黃縣東南有戴城今河南歸德府考城縣東南五  
 里考城故城是也戴林音再孔疏據地理志梁國留縣故戴國然則戴當從苗聲也○冬十月壬午齊人鄭  
 人入郕

傳十年春王正月公會齊侯鄭伯于中邱癸丑盟

于鄧為師期尋九年會于防謀伐宋也公既會而盟盟不書非後也蓋公  
 還告會而不告盟鄧魯地○路史黃帝臣鄧伯溫國當在今

兗州府境○夏五月羽父先會齊侯鄭伯伐宋言先會明非公本  
 期釋輦之去族

○六月戊申公會齊侯鄭伯于老桃會不書不告於廟也  
 老桃宋地六月無戊

申戊申五月二十三日日誤○戰國策高誘注  
 曰任城有桃聚今兗州府濟寧城北有桃鄉城 壬戌公敗宋師于菅

庚午鄭師入郕辛未歸于我庚辰鄭師入防辛巳

歸于我壬戌六月七日庚午十五日庚辰二十五日鄭伯後期而公獨敗  
 宋師故鄭頻獨進兵以入郕防入而不有命魯取之推功上爵讓

君子謂鄭莊公於是乎可謂正矣以自替不有其實故經但  
 書魯取以成鄭志善之也

以王命討不庭下之事上皆  
 成禮于庭中不貪其土以勞王爵正之

體也勞者敘其勤以答之諸侯相朝逆之以饗餼謂之郊勞魯侯爵尊鄭伯  
 爵卑故言以勞王爵○趙氏匡曰諸侯專取他國之邑而以與人罪之

大者而云合正何其妄乎勞去聲

○蔡人衛人郕人不會王命不伐宋也○林氏堯叟曰蓋九  
 年鄭以王命來告伐宋想皆告

于諸侯故曰不會王命○秋七月庚寅鄭師入郊猶在郊鄭師還駐  
 兵於遠郊



宋人衛人入鄭

宋衛奇兵乘虛入鄭

蔡人從之伐戴

從宋衛伐戴也

八月

壬戌鄭伯圍戴癸亥克之取三師焉

三國之軍在戴故鄭伯合圍之師者軍旅

之通稱。程子曰戴鄭所與也故三國伐之鄭戴合攻取三國之衆

宋衛既入鄭而以伐戴召

蔡人

伐戴乃召之

蔡人怒故不和而敗

言鄭取之易也

○九月戊寅

鄭伯入宋

報入鄭也九月無戊寅戊寅八月二十四日

○冬齊人鄭人入郕討

違王命也

經十有一年春滕侯薛侯來朝

諸侯相朝例在文十五年

○夏公會

鄭伯于時來

時來邾也榮陽縣東有釐城鄭地也。釐音來。在今河南開封府東四十里

○秋七月壬

午公及齊侯鄭伯入許

與謀曰及還使許叔居之故不言滅也許潁川許昌縣。與音預還音環。今開封府許

州故許城在州東北四十里

○冬十有一月壬辰公薨

實弒書薨又不地者史策所諱也

傳十一年春滕侯薛侯來朝爭長

薛魯國薛縣。薛城在今山東兗州府滕縣南

薛侯曰我先封

薛祖奚仲夏所封在周之前

滕侯曰我周之卜正

也

卜正卜官之長薛庶姓也我不可以後之

庶姓非周之同姓

公使羽父

請於薛侯曰君與滕君辱在寡人周諺有之曰山

有木工則度之

度大洛反

賓有禮主則擇之

擇所宜而行之周之

宗盟異姓為後

盟載書皆先同姓例在定四年

寡人若朝于薛不敢與

諸任齒

薛任姓齒列也。任音壬

君若辱貶寡人則願以滕君為請

薛侯許之乃長滕侯



○夏公會鄭伯于邾謀伐許也鄭伯將伐許五月

甲辰授兵於大宮大宮鄭祖廟公孫闕與潁考叔爭車

公孫闕鄭大夫潁考叔挾輈以走輈車子都拔棘以逐之

子都公孫闕棘戟也及大逵弗及子都怒逵道方九軌也○秋七月

公會齊侯鄭伯伐許庚辰傅于許傅于許城下潁考叔

取鄭伯之旗蝥弧以先登蝥弧旗名子都自下射之顛

顛隊而死射音石瑕叔盈又以蝥弧登瑕叔盈周麾而呼曰君登

矣周偏也麾招也呼去聲鄭師畢登壬午遂入許許莊公奔衛奔不

亂遁逃末知所在齊侯以許讓公公曰君謂許不共不共職貢故

從君討之許既伏其罪矣雖君有命寡人弗敢與

聞音預乃與鄭人鄭伯使許大夫百里奉許叔以居

許東偏許叔許莊公之弟東偏東鄙也曰天禍許國鬼神實不逞于許

君而假手于我寡人借手于我寡德之人以討許寡人唯是一二父

兄不能共億父兄向姓羣臣共給億安也其敢以許自為功乎寡人

有弟不能和協而使餉其口於四方弟公叔段也餉鬻也段出奔在元年○孔

疏餉音胡是饋鬻別名其况能久有許乎吾子其奉許叔以撫柔

此民也吾將使獲也佐吾子獲鄭大夫公孫獲若寡人得沒

于地以壽終天其以禮悔禍于許言天加禮于許而悔禍之無寧茲許公



復奉其社稷無寧寧也茲此也。復扶又反。唯我鄭國之有請謁焉。如

舊昏媾謁告也。婦之父曰昏。重昏曰媾。其能降以相從也。降降心也。無滋他族

實偏處此。以與我鄭國爭此土也。吾子孫其覆亡

之不暇。而况能禋祀許乎。絜齊以享謂之禋祀。謂許山川之祀。覆芳六反。禋音因。寡人

之使吾子處此。不唯許國之為。亦聊以固吾圉也。

圍邊垂也。為去聲。乃使公孫獲處許西偏。曰。凡而器用財賄

無寘於許。我死。乃亟去之。而乃皆汝也。吾先君新邑於此

此今河南新鄭。舊鄭在京兆。鄭本在西都畿內咸林之地。漢屬京兆曰鄭縣。今陝西西安府華州是也。武公得號鄆之地。乃徙其封而施舊號于新邑。是為新鄭。今新鄭縣屬河南開封府。王室而既卑矣。周之子孫日失其序

鄭亦周之子孫。夫許。大岳之胤也。大岳神農之後。堯四岳也。胤繼也。大音泰。天而既厭

周德矣。吾其能與許爭乎。君子謂鄭莊公於是乎

有禮。禮經國家。定社稷。序民人。利後嗣者也。許無

刑而伐之。服而舍之。刑法也。度德而處之。量力而行之。

相時而動。無累後人。我死乃亟去之。無累後人。量音良。相累並去聲。可謂知禮矣。

趙氏匡曰。諸侯無王命。入人之國。罪已大矣。又使大夫守之。不容誅矣。而左氏以為有禮。是長亂階也。鄭伯使卒出

殽。行出犬雞。以詛射潁考叔者。百人為卒。二十五人為行。行亦卒之行列。疾射潁考叔者。故今卒及行間皆詛之。緘音加。行音杭。詛。莊助反。君子謂鄭莊公失政刑矣。政以治

民刑以正邪。既無德政。又無威刑。是以及邪。大臣不睦。又不



能用刑 于邪人 邪而詛之 將何益矣

○王取鄔劉二邑在河南緱氏縣西南有鄔聚西北有劉亭。鄔鳥戶反。緱氏縣今河南河南府偃師縣是也。縣西南五十里有

鄔聚緱為邪鄭二邑。為尤委反。邪音于。為當在今古侯反。為邪之田于鄭河南懷慶偃師孟縣之間。懷慶府河內縣西北

三十里邪臺鎮即古邪城。而與鄭人蘇忿生之田蘇忿生周武王司寇蘇公也。温今温縣

今屬河南原在沁水縣西。今懷慶府濟源縣西北有原鄉。絺在野王縣西南。今懷慶府

野王縣西南有陽城。在陽城在懷慶府武陟縣西南十五里。隰城是也。欒茅在修武

欒才官反。修武今屬懷慶府。向軹縣西有地名向上。向音盟今盟津。盟

縣北二十里大陸村即其地也。向軹縣西有地名向上。向音盟今盟津。盟

懷慶府孟州今州縣。州縣故城在陘關。陘音刑。輿地志太行陘在隕在

武縣北。懷今懷縣。凡十二邑皆蘇忿生之田。欒茅隕屬汲郡隕在隕徒回反。懷餘皆屬河內。懷縣故城在今武陟縣西十二里。君子是以

知桓王之失鄭也。怒而行之德之則也。禮之經也。

已弗能有。而以與人。人之不至。不亦宜乎。蘇氏叛王平二邑。王所不

能有為桓五年從王伐鄭張本

○鄭息有違言以言語相違恨息侯伐鄭。鄭伯與戰于竟。息

師大敗而還。息國汝南新息縣。竟通作境。今河南汝寧府息縣西南七里有息城。君子是以知

息之將亡也。不度德鄭莊賢不量力息國弱不親親鄭息同姓之國

不徵辭。不察有罪。言語相恨。當明徵其辭。以審曲直。不宜輕鬪。犯五不韙。而以

伐人。其喪師也。不亦宜乎。韙是也。韙韙鬼反。

○冬十月。鄭伯以虢師伐宋。壬戌。大敗宋師。以報



其入鄭也入鄭在十年宋不告命故不書凡諸侯有命告

則書不然則否命者國之大事政令也承其告辭史乃書之于策若所傳聞行言非將君命則記在簡牘而已不得記于典策

此蓋周禮之舊制師出臧否亦如之臧否謂善惡得失也滅而告敗勝而告克此皆互言不須兩告乃書○否音鄙

雖及滅國滅不告敗勝不告克不書于策

○羽父請殺桓公將以求大宰大宰官名○大音泰○孔疏魯以司馬司徒司空為三卿而無

大宰羽父名見于經是已為卿復求大宰欲令特置此官以榮已耳以後更無大宰蓋終不立也公曰為其少故也

吾將授之矣授桓位○為去聲使營菟裘吾將老焉菟裘魯邑在泰山梁父縣南不

欲復居魯朝故別營外邑○菟免都及今山東濟南府泰安州南兗州府泗水縣北有梁父城菟裘聚羽父懼反譖公于桓

公而請弑之公之為公子也與鄭人戰于狐壤止

焉內諱獲故言止狐壤鄭地○後漢潁陰縣有狐宗鄉疑即此鄭人囚諸尹氏尹氏鄭大夫賂尹

氏而禱於其主鍾巫主尹氏所主祭遂與尹氏歸而立其主

立鍾巫于魯十一月公祭鍾巫齊于社圃社圃園名○齊側皆反館于寫

氏館舍也寫氏魯大夫○寫于委反壬辰羽父使賊弑公于寫氏立桓公

而討寫氏有死者欲以弑君之罪加寫氏而復不能正法誅之傳言進退無據○顧氏炎武曰言非有名位之人蓋微

者耳如司馬昭族成濟之類不書葬不成喪也桓弑隱篡立故喪禮不成

春秋左傳杜注卷第一



春秋左傳杜注卷第二

華亭姚培謙學

桓公

名軌惠公之子隱公之弟母仲子史記亦名允謚法辟土服遠曰桓

經元年春王正月公即位

嗣子位定于初喪而改元必須踰年者繼父之業成父之志不忍有變于中年

也諸侯每首歲必有禮於廟諸遭喪繼位者因此而改元正位百官以序故國史亦書即位之事於策桓公篡立而用常禮欲自同于遭喪繼位者釋例論之 ○三月公會鄭伯于垂鄭伯以璧假許田 ○夏

四月丁未公及鄭伯盟于越

公以篡立而修好於鄭鄭因而迎之成禮于垂終易二田然後結盟

垂大邱衛地也越近垂地名鄭求祀周公魯聽受祊田令鄭廢泰山之祀知其非禮故以璧假為文時之所隱 ○越當在山東兗州府曹州附近 ○

秋大水

書災也傳例曰凡平原出水為大水 ○家氏鉉翁曰不書月槩一秋而言也傷人害物而後書

冬十月



傳元年春公即位修好于鄭鄭人請復祀周公卒

易祊田事在隱八年復扶又反公許之三月鄭伯以璧假許田為

周公祊故也魯不宜聽鄭祀周公又不宜易取祊田犯三不宜以動故隱其實不言祊稱璧假言若進璧以假田非久易也為去聲

○夏四月丁未公及鄭伯盟于越結祊成也結成易二田之

事也傳以經不書祊故獨見祊見賢遍反盟曰渝盟無享國也渝變

○秋大水凡平原出水為大水廣平曰原

○冬鄭伯拜盟鄭伯若自來則經不書若遣使則當言鄭人不得稱鄭伯疑謬誤

○宋華父督見孔父之妻于路華父督宋戴公孫也孔父目嘉孔子六世祖華去聲

逆而送之曰美而豔色美曰豔豔以贍反

經二年春王正月戊申宋督弑其君與夷及其大

夫孔父稱督以弑罪在督也孔父稱名者內不能治其閭門外取怨于民身死而禍及其君啖氏助曰孔字父美稱也孔氏之先皆以字

連父故有弗父金父若孔為氏豈世世改乎又春秋時名嘉者多字孔是其證也顧氏炎武曰按家語本姓篇宋襄公熙生弗父何何生宋父周周生世子勝

勝生正考父考父生孔父嘉其後以孔為氏然則仲尼氏孔正以王父之字劉原父以為已名其君于上則不得字其臣于下竊意春秋諸侯卒必書名而大

夫則命卿稱字無生卒之別亦未嘗以名字為尊卑之分桓十七年蔡侯封人卒蔡季自陳歸于蔡名其君於上字其臣於下也昭二十二年劉子單子以王猛

居于皇劉子單子以王猛入于王城爵其臣于上名其君于下也○滕子來朝無傳隱十一年稱侯今稱子者蓋時王所黜孔疏

于時東周雖微猶為天下共主尚得命邾為諸侯明能黜滕為子爵○三月公會齊侯陳侯鄭伯

于稷以成宋亂成平也宋有弑君之亂故為會欲以平之稷宋地當在今河南歸德府境○夏四

月取郟大鼎于宋戊申納于大廟宋以鼎賂公大廟周公廟也始欲平宋之亂終于受



賂故備書之戊申五月十日。大音泰。○秋七月杞侯來朝。公即位而來朝。杞公穀作紀程子曰凡杞稱侯者皆當為紀杞爵。

○蔡侯鄭伯會于鄧。穎川名陵縣西南有鄧城。名陵縣即今河南開封府鄧非侯文誤也。

○九月入杞。不稱主帥微者也弗地曰入。帥所類反。○公及戎

盟于唐。冬公至自唐。傳例曰告于廟也特相會故致地也凡公行還不書至者皆不告廟也隱不書至謙不敢自同

於正君書勞策勳

傳二年春宋督攻孔氏殺孔父而取其妻公怒督

懼遂弑殤公君子以督為有無君之心而後動於

惡。雖有君若無也故先書弑其君。公羊傳孔父可謂義形于色矣其義形于色奈何督將弑殤公孔父生而存則殤公不可得而弑也故于是先攻孔父之家殤公知孔父死已必死趨而救之皆死焉孔父正色而立于朝則人莫敢過而致難于其君者孔父可謂義形于色

矣。按孔父有扞君之節而左氏不書故備錄公羊之說以著其實

○會于稷以成宋亂為賂故立華氏也。經稱平宋亂者蓋以魯君受賂立華氏貪縱之甚惡其指斥故遠言始與齊陳鄭為會之本意也傳言為賂故立華氏明經本書平宋亂為公諱諱在受賂立華氏也猶壁假許田為周公祊故所謂婉而成章督未死而賜族督之妄也。為賂去聲宋殤公立十年十一戰。殤公以立十一戰皆在隱公世

民不堪命孔父嘉為司馬督為大宰故因

民之不堪命先宣言曰司馬則然。言公之數戰則司馬使爾嘉孔父字。數音朔

已殺孔父而弑殤公召莊公于鄭而立之以親鄭

莊公公子馮也隱三年出居于鄭馮入宋不書不告也

以郕大鼎賂公。郕國所造器也故繫名於郕城。郕有二城北郕城則為郕國又南二里曰南郕城則為宋邑隱十年取郕是也俱在山東兗州府城武縣齊陳鄭皆有

桓公

三



賂故遂相宋公

○夏四月取郟大鼎于宋戊申納于大廟非禮也

臧哀伯諫曰臧哀伯魯大夫僖伯之子君人者將昭德塞違以臨照

百官猶懼或失之故昭令德以示子孫是以清廟

茅屋以茅飾屋著儉也清廟肅然清靜之稱也大路越席大路王路祀天車也越席結草○越音活大羹不

致大羹肉汁不致五味粢食不鑿黍稷曰粢不精鑿○粢音咨食音嗣鑿子洛反精米也糲米一石舂為八斗昭其

儉也此四者皆示儉衮冕黻珽衮畫衣也冕冠也黻韋鞞以蔽膝也珽玉笏也若今吏之持簿○珽他頂反鞞音必持簿手版

帶裳幅舄帶革帶也衣下曰裳幅若今行勝者舄履○幅音逼衡紕紕紕衡維持冠者紕多敢反紕獲耕反紕音延昭其度也尊卑各有制度藻率鞞鞞藻率各

以韋為之所以藉玉也王五采公侯伯三采子男二采鞞佩

鞞紳帶也一名大帶厲大帶之垂者游旌旗之

游纓在馬膺前如索帶○鞞步干反游旌同

龍黼黻火畫火也龍畫龍也白與黑謂之黼形若斧黑與青謂之黻兩已相戾昭其文也以文章明貴賤五

色比象昭其物也車服器械之有五色皆以比象天地四方以示器物不虛設錫鸞和鈴

昭其聲也錫在馬額鸞在鑣和在衡鈴在旂動皆有鳴聲○錫音揚馬面當盧三辰旂旗昭其明

也三辰日月星也畫於旂旗象天之明夫德儉而有度登降有數登降謂上下尊卑文物

以紀之聲明以發之以臨照百官百官於是乎戒

懼而不敢易紀律今滅德立違謂立華督違命之臣而寘其賂器

於大廟以明示百官百官象之其又何誅焉國家

桓公

四

三

三

三



之敗由官邪也。官之失德，寵賂章也。郟鼎在廟，章

孰甚焉。武王克商，遷九鼎于雒邑。九鼎殷所受夏九鼎也。武王克商，乃營雒邑而後去。

之。又遷九鼎焉。時但營洛邑，未有都城。至周公乃卒營雒邑，謂之王城。即今河南城也。故傳曰：成王定鼎于郊，鄩音洛。今河南河南府洛陽縣城內西偏，即

王城故址。義士猶或非之。蓋伯夷之屬。而况將昭違亂之賂

器於大廟，其若之何？公不聽。周內史聞之，曰：臧孫

達，其有後於魯乎？君違，不忘諫之，以德。內史周大夫官也。僖伯諫隱觀

魚。其子哀伯諫桓納鼎，積善之家，必有餘慶。故曰：其有後于魯。

○秋七月，杞侯來朝，不敬。杞侯歸，乃謀伐之。○劉氏啟曰：左

氏誤紀為杞，遂生不敬之說。汪氏克寬曰：蓋因僖二十七年春，杞子來朝，秋公子遂帥師入杞而附會其說耳。

○蔡侯鄭伯會于鄧，始懼楚也。楚國今南郡江陵縣北。紀南城也。楚武王始僭號稱王，欲

害中國。蔡鄭姬姓，近楚，故懼而會謀。○江陵縣今屬湖廣荊州府，紀南城在府北十里。

○九月，入杞，討不敬也。

○公及我盟于唐，修舊好也。惠隱之好。○冬，公至自唐，告

于廟也。凡公行，告于宗廟，反行，飲至，舍爵策勳焉。

禮也。爵飲酒器也。既飲置爵，則書勳勞于策，言速紀有功也。○舍去聲。特相會往來稱地，讓事

也。特相會，公與一國會也。會必有主，二人獨會，則莫肯為主，兩讓會事不成，故但書地。自參以上，則往稱地，

來稱會，成事也。成會事。○參，七南反。上聲。

○初，晉穆侯之夫人姜氏，以條之役生大子，命之



曰仇條晉地。天子文侯也。意取于戰相仇怨。史記穆侯七年伐條。今山西平陽府解州安邑縣有中條山。縣北三十里有鳴條岡。仇音求。

其弟以千畝之戰。生命之曰成師。桓叔也。西河界休縣南。有地名千畝。意取能成。

其眾。穆侯十年伐千畝。有功。界休縣。今屬山西汾州府。顧氏炎武曰。穆侯時。晉境不得至界休。按史記趙世家正義曰。千畝原在晉州岳陽縣北九十里。岳陽縣今屬平陽府。

師服曰。異哉。君之名子也。師服。晉大夫。夫名以制

義。名之必可言也。義以出禮。禮從義出。禮以體政。政以禮成。政以正民。是以

政成而民聽。易則生亂。反易禮義。則亂生也。嘉耦曰妃。妃。讀配。怨耦

曰仇。古之命也。自古有此言。今君命大子曰仇。弟曰成師。

始兆亂矣。兄其替乎。穆侯愛少子桓叔。俱取於戰。以為名。所附意。異故。師服知桓叔之黨。必盛於晉。以傾宗國。

故因名以諷諫。惠之二十四年。晉始亂。故封桓叔于曲沃。惠魯惠公。

也。晉文侯卒。子昭侯元年。危不自安。封成師為曲沃伯。公孫為傅相。○藥。方官反。靖侯之孫欒賓傳之。靖侯。桓叔之高祖父。言得貴寵。

以能固。故天子建國。立諸侯也。諸侯立家。卿大夫稱家。卿置側室

側室。眾子也。得立此一官。大夫有貳宗。適子為小宗。次者為貳宗。以相輔貳。○卿立。庶子之長。以為側室。大夫立大宗之次子。以為。貳宗。孔疏。貳宗與側室。為例。皆官名。與五宗別。士有隸子弟。士卑。自以其子弟為僕隸。庶人工商各

有分親。皆有等衰。庶人無復尊卑。以親疏為分別也。衰。殺也。○分。扶問反。親。七刃反。衰。初危反。是以民

服事其上。而下無覬覦。覬音冀。覦音朱反。下。不冀望上位。○今晉。甸侯也。而

建國本既弱矣。其能久乎。諸侯而在。甸服者。惠之三十年。晉

潘父弑昭侯。而納桓叔不克。潘父。晉大夫也。昭侯。文侯子。晉人立孝

侯。

桓公



侯昭侯子也惠之四十五年。曲沃莊伯伐翼，弑孝侯。莊伯桓叔子翼

晉國所都翼人立其弟鄂侯。鄂侯生哀侯。鄂侯以隱五年奔隨，其年秋，王立哀侯于翼。

哀侯侵陘庭之田。陘庭，翼南鄙邑。○陘，音刑。○翼，即今平陽府翼城縣，東南七十五里有熒庭城，志云即陘庭也。陘

庭南鄙，啓曲沃伐翼。

經三年春正月，公會齊侯于嬴。經之首時必書王，明此歷天之所班也。其或廢法違常，失不班歷，故不書王。嬴，齊邑。今泰山嬴縣。○陸氏隴其曰：穀梁以為桓無王，故不書王。杜氏以為王不班歷，故不書王。劉炫以為闕文。三說者未敢定為孰是。但劉氏據子朝之亂，王位且未定，何能班歷而亦書王？駁得甚是。嬴縣故城在今山東泰安府東南五十里。○夏，齊侯、衛侯、胥

命于蒲。申約言以相命而不敵血也。蒲，衛地在陳留長垣縣西南。○今直隸大名府長垣縣治故蒲城是也。○六月，公

會杞侯于郕。杞公。○羊作紀。○秋七月壬辰朔，日有食之。既

無傳，既盡也。歷家之說謂日光以望時，遙奪月光，故月食。日月同會，月奄日，故日食。食有上下者，行有高下。日光輪存而中食者，相奄密，故日光溢，出皆既者，正相當而相奄間，疏也。然聖人不言月食日，而以自食為文者，闕於所不見。

○公子翬如齊，逆女。禮君有故，則使卿逆。九月，齊侯送姜氏于謹。謹，魯地，濟北蛇邱縣西，有下謹亭，已去齊國，故不言女。至于魯，故不稱夫人。○蛇以支反。○下謹，故城在今濟南府肥城縣西南。水經注云：俗訛為夏暉城。公會齊侯于謹。夫人

姜氏至自齊。無傳，告於廟也。不言翬以至者，齊侯送之，公受之於謹。○冬，齊侯使其弟

年來聘。○有年。無傳，五穀皆熟，書有年。

傳三年春，曲沃武公伐翼，次于陘庭。韓萬御戎，梁

弘為右。武公，曲沃莊伯子也。韓萬，莊伯弟也。御戎，僕也。右，戎車之右。逐翼侯于汾隰。

汾水出山西太原府靜樂縣西南，至府城西。東南流經汾州平陽二府，至滎河縣北入河。驂絙而止。

驂，駢馬。○絙，音畫。夜獲

水邊。

水邊。

水邊。

水邊。

水邊。

水邊。

水邊。

水邊。



之及欒共叔

共叔桓叔之傳欒賓之子也身傳翼侯父子各殉所奉之主故并見獲而死○共音恭

○會于贏成昏于齊也

公不由媒介自與齊侯會而成婚非禮也

○夏齊侯衛侯胥命于蒲不盟也

○公會杞侯于郕杞求成也

二年入杞故今來求成○汪氏克寬曰程子云杞稱侯皆當為紀左

傳云杞求成豈因入杞而傳會其說與高氏問曰紀侯懼齊欲親魯郕亦然

○秋公子翬如齊逆女脩先君之好故曰公子

昏禮雖奉

時君之命其言必稱先君以為禮辭故公子翬逆女傳稱脩先君之好公子遂逆女傳稱尊君命互舉其義○陳氏際泰曰翬帥師不氏安知翬非未賜族乎至逆女始稱公子安知非桓德而賜之乎齊侯送姜氏非禮也凡公女嫁于

敵國姊妹則上卿送之以禮於先君公子則下卿

送之於大國雖公子亦上卿送之於天子則諸卿皆行公不自送於小國則上大夫送之

○冬齊仲年來聘致夫人也

古者女出嫁又使大夫隨加聘問存謙敬序殷勤也在魯而出則曰

致女在他國而來則總曰聘故傳以致夫人釋之

○芮伯萬之母芮姜惡芮伯之多寵人也故逐之

出居于魏

為明年秦侵芮張本芮國在馮翊臨晉縣魏國河東河北縣西岸括地志魏故國在芮城縣北五里今山西平陽府解州芮城縣河北故城是也

經四年春正月公狩于郎

冬獵曰狩行三驅之禮得田狩之時故傳曰書時禮也周之春夏之冬也

○夏天王使宰渠伯糾來聘

宰官渠氏伯糾名也王官

田狩從夏時郎非國內之狩地故書地

○夏天王使宰渠伯糾來聘



之宰當以才授位而伯糾攝父之職出聘列國故書名以譏之國史之記必書年以集此公之事書首時以成此年之歲故春秋有空時而無事者今不書秋冬首月史闕文他皆放此○張氏洽曰渠采地伯爵糾名也為天子之冢宰而不能詔王以八柄馭羣臣乃親奉命來聘魯桓故貶而名之糾居黜反

傳四年春正月公狩于郎書時禮也郎非狩地故唯時合禮

○夏周宰渠伯糾來聘父在故名

○秋秦師侵芮敗焉小之也秦以芮小輕之故為芮所敗 ○冬王師

秦師圍魏執芮伯以歸三年芮伯出居魏芮更立君秦為芮所敗故以芮伯歸將欲納之

經五年春正月甲戌己丑陳侯鮑卒未同盟而書名者來赴以名故也甲戌前

年十二月二十一日己丑此年正月六日陳亂故再赴赴雖日異而皆以正月起文故但書正月慎疑審事故從赴兩書 ○鮑步鮑反 ○夏齊

侯鄭伯如紀外相朝皆言如齊欲滅紀紀人懼而來告故書 ○天王使仍叔之子

來聘仍叔天子之大夫稱仍叔之子本於父字幼弱之辭也譏使童子出聘 ○公羊傳父老子代從政也 ○葬陳桓公

無傳 ○城祝邱無傳齊鄭將襲紀故祝邱注見莊四年 ○秋蔡人衛人陳人從王

伐鄭王自為伐鄭之主君臣之辭也王師敗不書不以告 ○大雩傳例曰書不時也失龍見之時程子曰大雩雩于上帝用盛樂也

諸侯雩于境內之山川耳 ○冬州公如曹無傳

不書奔以朝出也為下寔來書也曹國今濟陰定陶縣○程子曰州公嘗為王三公故稱公定陶縣今屬山東兗州府縣西北四里有定陶故城即曹國也

傳五年春正月甲戌己丑陳侯鮑卒再赴也於是

陳亂文公子佗殺大子免而代之佗桓公第五父也稱文公子明佗非桓公母弟也免

桓公大子○佗大何反免音問公疾病而亂作國人分散故再赴趙氏

有正當禍亂之時而暇競使人赴告哉假令寔再赴夫子亦當詳定其寔日何乃總載之乎且傳云公疾而難作此文亦據陳國史而記之驗此則經文甲戌



下當記陳佗作亂之事全簡脫之耳

○夏齊侯鄭伯朝于紀欲以襲之紀人知之

○王奪鄭伯政鄭伯不朝奪不使知王政秋王以諸侯伐鄭

鄭伯禦之王為中軍虢公林父將右軍蔡人衛人

屬焉虢公林父王卿士將去聲周公黑肩將左軍陳人屬焉黑肩周桓公也

鄭子元請為左拒以當蔡人衛人子元鄭公子拒方陳拒俱甫反為右

拒以當陳人曰陳亂民莫有鬪心若先犯之必奔

王卒顧之必亂蔡衛不枝固將先奔不能相枝持也既而萃

於王卒可以集事從之萃聚也集成也曼伯為右拒曼伯檀伯祭仲

足為左拒原繁高渠彌以中軍奉公為魚麗之陳

先偏後伍伍承彌縫司馬法車戰二十五乘為偏以車居前以伍次之承偏之際而彌縫闕漏也五人為伍此蓋魚

麗陳法麗平聲戰于緇葛緇葛鄭地命二拒曰旂動而鼓旂通帛為

之王卒大敗祝聃射王中肩王亦能軍雖軍敗身傷猶殿而不奔故言

祝聃請從之公曰君子不欲多上人况敢

陵天子乎苟自救也社稷無隕多矣鄭於此收兵自退隕于敏反夜

鄭伯使祭足勞王且問左右祭足即祭仲之字蓋名仲字仲足也勞王問左右言鄭志在苟免王

討之非也○林氏堯叟曰以王討為非未是勞去聲



○仍叔之子弱也

仍叔之子來聘童子將命無速反之心久留在魯故經書夏聘傳釋之於末秋○按此或是傳文倒置耳

○秋大雩書不時也

十二公傳唯此年及襄二十六年有兩秋此發雩祭之例欲顯天時以指事故重言秋異于凡

事○按周禮司巫國大旱則帥巫而舞雩然則因旱而雩亦是常禮汪氏克寬謂實以旱書而併著其僭其義為長重直用反

○凡祀啓蟄

而郊

言凡祀通下三句天地宗廟之事也啓蟄夏正建寅之月祀天南郊○蟄直立反

龍見而雩

龍見建巳之月蒼龍宿之

體昏見東方萬物始盛待雨而大故祭天遠為百穀祈膏雨○見賢遍反宿音秀

始殺而嘗

建酉之月陰氣始殺嘉穀始熟故薦嘗於

宗閉蟄而烝

建亥之月昆蟲閉戶萬物皆成可薦者衆故烝祭宗廟釋例論之備矣

過則書

卜日有吉否過

次節則書以譏慢也○孔疏卜不吉則當改卜次句卜不過三故限以一月過涉次月之節則書之以譏其慢

○冬淳于公如曹度其國危遂不復

淳于州國所都城陽淳于縣也國有危難

不能自安故出朝而遂不還○淳于注詳隱四年

經六年春正月寔來

寔實也不言州公者承上五年冬經如曹間無異事省文從可知

○夏四

月公會紀侯于成

成魯地在泰山鉅平縣東南○今山東兗州府寧陽縣東北九十里有故城社即古城也

秋八月壬午大閱

齊為大國以戎事徵諸侯之成嘉美鄭忽而忽欲以有功為班怒而訴齊魯人懼之故以非時簡車馬

○蔡人殺陳佗

佗立踰年不稱爵者篡立未會諸侯也傳例在莊二十二年○陳厲公蔡出也故蔡人殺五父而立之見莊二

十二年傳程氏端學曰春秋有一事見一義者不必兼首尾其餘有首必有尾有尾必有首所謂屬辭比事者也蔡人殺陳佗事之尾也而首不經見五年正月

甲戌之下趙謂當記陳佗作亂事豈其然乎

○九月丁卯子同生

桓公子莊公也十二年公唯子同是適夫人

之長子備用大子之禮故史書之於策不稱大子者書始生也

○冬紀侯來朝

傳六年春自曹來朝書曰寔來不復其國也

亦承五年冬傳

淳于公如曹也言奔則來行朝禮言朝則遂留不去故變文言寔來



○楚武王侵隨隨國今義陽隨縣。今湖廣德安府隨州是也。古城在州南。使遠章求成

焉。遠章楚大夫。○遠于委反。軍於瑕以待之。瑕隨地。隨人使少師董成

也。我則使然。鬬伯比楚大夫。令尹子文之父。我張吾三軍而被吾甲兵

以武臨之。彼則懼而協以謀我。故難間也。漢東之

國隨為大。隨張必棄小國。張自侈大也。○張去聲。小國離楚之利

也。少師侈。請羸師以張之。羸弱也。○羸劣追反。熊率且比曰。季

梁在何益。熊率且比楚大夫。季梁隨賢臣。○率音律。且子余反。鬬伯比曰。以為後圖。

少師得其君。言季梁之諫。不過一見從隨侯卒。當以少師為計。故云。以為後圖。二年。蔡侯鄭伯會于鄧。始懼楚。楚子自此遂盛。

終於抗衡中國。故傳備言其事。以終始之。王毀軍而納少師。從伯比之謀。少師歸。請追

楚師。隨侯將許之。信楚弱也。季梁止之曰。天方授楚楚之

羸。其誘我也。君何急焉。臣聞小之能敵大也。小道

大淫。所謂道忠於民而信於神也。上思利民。忠也。

祝史正辭。信也。正辭。不虛稱君美。今民餒而君逞欲。逞快也。祝史

矯舉以祭。臣不知其可也。詐稱功德。以欺鬼神。公曰。吾牲牷肥腍。

粢盛豐備。何則不信。牲牛羊豕也。牲純色完全也。腍亦肥也。黍稷曰粢。在器曰盛。○牲音全。腍徒忽反。盛音成。對

曰。夫民神之主也。言鬼神之情。依民而行。是以聖王先成民而後

致力於神。故奉牲以告曰。博碩肥腍。謂民力之普



存也。博廣也。碩大也。謂其畜之碩大蕃滋也。謂其不疾癘蠡

也。謂其備脂咸有也。雖告神以博碩肥膾其實皆當兼此四謂民力適完則六畜既大而滋也皮毛無疥癘兼

備而無有所闕。畜吁又反癘七木反。蠡力果反。說文作癘云癘癘皮肥也。奉盛以告曰絜粢豐盛謂

其三時不害而民和年豐也。三時春夏秋奉酒醴以告曰

嘉栗旨酒。嘉善也栗謹敬也謂其上下皆有嘉德而無違心

也。所謂馨香無讒慝也。馨香之遠聞故務其三時脩其五

教。父義母慈兄友弟恭子孝親其九族以致其禋祀。禋潔敬九族謂外祖父外

姑之子姊妹之子女子之子并己之同族皆外親有服而異族者也於是乎民和而神降之福

故動則有成今民各有心而鬼神乏主。民饑餒也君雖獨

豐其何福之有君姑脩政而親兄弟之國庶免於難隨侯懼而脩政楚不敢伐

○夏會于成紀來諮謀齊難也。齊欲滅紀故來謀之

○北戎伐齊齊侯使乞師于鄭鄭太子忽帥師救

齊六月大敗戎師獲其二帥大良少良甲首三百

以獻於齊。甲首被甲者首於是諸侯之大夫戍齊齊人饋之

餼。生曰餼。餼許器反。使魯為其班後鄭。班次也魯親班齊饋則亦使大夫戍齊矣經不書蓋史闕文

鄭忽以其有功也怒故有郎之師。郎師在十年公之未昏

於齊也齊侯欲以文姜妻鄭太子忽太子忽辭人



問其故。大子曰：人各有耦，齊大非吾耦也。詩云：自

求多福。詩大雅文王言求福由己非由人也。在我而已。大國何為？君子曰：善

自為謀。言獨潔其身。謀不及國。及其敗戎師也。齊侯又請妻之。欲以他女

之。固辭。人問其故。大子曰：無事於齊。吾猶不敢。今以

君命奔齊之急，而受室以歸，是以師昏也。民其謂

我何？言必見恠于民。遂辭諸鄭伯。假父之命以為辭。為十一年鄭忽出奔衛傳。

○秋，大閱簡車馬也。

○九月，丁卯，子同生，以大子生之禮舉之。接以大

牢。大牢，牛羊豕也。以禮接夫人，重適也。陳氏澹曰：以大牢之禮，接見其子。卜士負之，士妻食之。禮世子生。

三日，卜士負之射人，以桑弧蓬矢射天。地四方，卜士之妻為乳母。○食音嗣。公與文姜宗婦命之。世子生三

月，君夫人沐浴于外寢，立于阼階，西鄉，世婦抱子升自西階，君命之乃降。蓋同宗之婦。公問名於申繻，對

曰：名有五，有信，有義，有象，有假，有類。申繻魯大夫。以名生

為信。若唐叔虞。魯公子友。以德命為義。若文王名昌。武王名發。以類命為象。若孔子首

邱。象尼。取於物為假。若伯魚生，人有饋之魚，因名之曰鯉。取於父為類。若子同生有與父同者。不

以國。國君之子不自以本國為名也。不以官，不以山川，不以隱疾。隱痛疾，患辟不

祥也。不以畜牲。畜牲，六畜。不以器幣。幣，玉帛。周人以諱事神，名終

將諱之。君父之名固非臣子所斥，然禮既卒，哭以木鐸，徇曰：舍故而諱，新謂舍親盡之祖，而諱新死者，故言以諱事神。名終將諱之，自父至高

祖皆不敢斥言。○孔疏：殷以往未有諱法，諱始于周。周以諱法敬事明神，子生三月為之立名，終久必將諱之，故須豫有所辟，為下諸廢張本也。終將諱之。



謂死後故以國則廢名國不可易故廢名。孔疏以國為名終卒之後則廢名不諱以國不可易也以官

則廢職以山川則廢主改其山川之名。劉氏炫曰廢主謂廢其所主山川不更得祀故須改其山川之名

魯改二山是以畜牲則廢祀名豬則廢豬名羊則廢羊以器幣則廢禮晉以

僖侯廢司徒僖侯名司徒廢為中軍宋以武公廢司空武公名司空廢為司城先

君獻武廢二山二山具敖也魯獻公名具武公名敖更以其鄉名山是以大物不可以

命公曰是其生也與吾同物命之曰同物類也謂同日

○冬紀侯來朝請王命以求成于齊公告不能紀微弱不能自通于天子欲因公以請王命公無寵於王故告不能

經七年春二月己亥焚咸邱無傳焚火田也咸邱魯地高平鉅野縣南有咸亭譏盡物故書

○夏穀伯綏來朝鄧侯吾離來朝不總稱朝者各自行朝禮也穀國在南鄉筑陽縣北。筑音竹。今湖廣襄陽府穀城縣治為故筑陽城古穀城在縣北釋例曰鄧國義陽鄧縣今襄陽府東北二十里有鄧城

○夏穀伯綏來朝鄧侯吾離來朝不總稱朝者各自行朝禮也穀國在南鄉筑陽縣北。筑音竹。今湖廣襄陽府穀城縣治為故筑陽城古穀城在縣北釋例曰鄧國義陽鄧縣今襄陽府東北二十里有鄧城

傳七年春穀伯鄧侯來朝名賤之也辟陋小國賤之禮不足故書名以春來夏

乃行朝禮故經書夏。公羊傳皆何以名夫地之君也劉氏敞曰經書夏朝傳云春朝此傳所據者以夏正記事也

○夏盟向求成于鄭既而背之盟向二邑名隱十一年王以與鄭故求與鄭成。盟音孟

向音餉秋鄭人齊人衛人伐盟向王遷盟向之民于

邾邾音佩邾王城。今河南河南府洛陽縣西有邾邠陌亦謂之邾山

○冬曲沃伯誘晉小子侯殺之曲沃伯武公也小子侯哀侯子

春秋左傳卷之三十一 桓公



經八年春正月己卯烝無傳此夏之仲月非為過而書者為下五月復烝見賈也例在五年。孔疏衛氏難

杜云上五年閉蟄而烝謂十月此正月烝則是過時而烝秦氏釋云按周禮四時之祭皆用四仲之月此正月則是夏之仲冬何為不得烝而云過時也釋例曰周禮祭宗廟以仲月蓋言其下限也下限至于仲月則上限起于孟月仲是下限則周之正月得為烝祭○天王使家父

來聘無傳家父天子大夫家氏父字。胡傳下聘弑逆之人而不加貶何也既名家宰于前其餘無責焉乃同則書重之義以此見春秋任宰相

之專而責之備也陳氏深曰此年及十五年上距幽王之卒七十五歲而詩節南山及家父刺幽王古人字或累世同之雲漢詩序仍叔美宣王桓五年仍叔之子來聘仍氏亦世字如趙氏世稱孟智氏世稱伯也○夏五月丁丑烝無傳○秋伐邾無傳

○冬十月雨雪無傳今八月也書時失○祭公來遂逆王后于紀

祭公諸侯為天子三公者王使魯主昏故祭公來受命而迎也天子無外故因稱王后卿不書舉重畧輕。孔疏隱元年云祭伯今稱公知其為天子三公

傳八年春滅翼曲沃滅之

○隨少師有寵楚鬬伯比曰可矣讎有釁不可失也

釁瑕隙也無德者寵國之釁也夏楚子合諸侯于沈鹿沈鹿楚地。今湖廣安陸府鍾祥縣東六十里有鹿湖池即其地

黃隨不會黃國今弋陽縣。今河南汝寧府光州境弋陽城在州東黃城在州西使蓬章

讓黃責其不會楚子伐隨軍於漢淮之間季良請下之弗許而後戰下之請服也所以怒我而怠寇也少師謂隨侯

曰必速戰不然將失楚師隨侯禦之望楚師遙見楚師季

梁曰楚人上左君必左君楚君也無與王遇且攻其右右

無良焉必敗偏敗眾乃攜矣少師曰不當王非敵

也弗從不從季梁謀戰于速杞隨師敗績隨侯逸速杞隨地逸也。速杞



當在今湖廣德安府應山縣境也鬪丹獲其戎車與其戎右少師鬪丹楚大夫戎車君所乘

去其疾矣去疾謂少師見獲而死隨未可克也乃盟而還

○冬王命虢仲立晉哀侯之弟緡于晉虢仲王卿士虢公林父緡亡

○祭公來遂逆王后于紀禮也天子娶於諸侯使同姓諸侯為之主祭公來受命於魯故曰禮

經九年春紀季姜歸于京師季姜桓王后也季字姜紀姓也書字者伸父母之尊○夏

四月○秋七月○冬曹伯使其世子射姑來朝曹伯有疾故使其子來朝射音亦

傳九年春紀季姜歸于京師凡諸侯之女行唯王

后書為書婦人行例也適諸侯雖告魯猶不書

○巴子使韓服告于楚請與鄧為好韓服巴行人巴國在巴郡江州縣隋改

鄧南鄙鄧人攻而奪之幣鄧在今鄧縣南沔水之北鄧音憂今湖廣襄陽府襄陽縣東北有鄧城

殺道朔及巴行人楚子使遠章讓於鄧鄧人弗受

言非鄧人所攻夏楚使鬪廉帥師及巴師圍鄧鬪廉楚大夫鄧養甥

聃甥帥師救鄧三逐巴師不克二甥皆鄧大夫孔疏鄧師三逐巴師楚巴不勝故鬪廉

設權以鬪廉衡陳其師於巴師之中以戰而杜衡橫也分巴師

誘之

桓公

桓公

桓公

桓公

桓公

桓公

桓公

桓公



為二部鬪廉橫陳於其間以與鄧師戰而偽北北走也。○衡音橫陳去聲。鄧人逐之背巴師而夾攻

之。楚師偽走鄧師逐之背巴師。巴師攻之楚師自前還與戰。○背音佩。鄧師大敗。鄧人宵潰。宵夜也。

○秋。虢仲芮伯梁伯荀侯賈伯伐曲沃。梁國在馮翊夏陽縣荀賈皆國名。○夏陽縣即今陝西西安府韓城縣是也。古少梁城在縣南二十里水經注古水出臨汾西又西南逕荀城在絳州西十五里絳州今屬山西平陽府又平陽府臨汾縣有賈鄉。

○冬。曹大子來朝賓之以上卿禮也。諸侯之適子未誓於天子而攝其君則以皮帛繼子男故賓之以上卿各當其國之上卿。

享曹大子初獻樂奏而歎。酒始施父曰曹大子其有憂乎非歎所也。大夫施父魯大夫。

經十年春王正月庚申曹伯終生卒。未同盟而赴以名。○夏五

月葬曹桓公。無傳。○秋公會衛侯于桃邱弗遇。無傳。衛侯與公為會期中背公更與齊鄭故公獨往而不相遇也。桃邱衛地濟北東阿縣東南有桃城。今山東東昌府東阿縣西五十里有桃城鋪。○冬

十有二月丙午齊侯衛侯鄭伯來戰于郎。改侵伐而書來戰善魯之用周班惡三國討有辭。

傳十年春曹桓公卒。終施父之言。

○虢仲譖其大夫詹父於王。虢仲王卿士詹父屬大夫。詹父有辭以

王師伐虢夏虢公出奔虞。虞國在河東大陽縣。唐改大陽曰平陸今屬山西平陽府解州古虞城在縣東北四十里。

○秋秦人納芮伯萬于芮。四年圍魏所執者。

桓公

秋秦人納芮伯萬于芮

四年圍魏所執者

桓公

秋秦人納芮伯萬于芮

四年圍魏所執者

桓公

秋秦人納芮伯萬于芮

四年圍魏所執者

桓公



○初虞叔有玉虞叔虞公之弟虞公求旃旃之弗獻既而悔之

曰周諺有之匹夫無罪懷璧其罪人利其璧以璧為罪吾焉用

此其以賈害也賈買也賈音古乃獻之又求其寶劍叔曰

是無厭也無厭將及我將殺我厭平聲遂伐虞公故虞公

出奔共池共池地名闕共音恭今山西平陽府平陸縣西四十里許有共池

○冬齊衛鄭來戰于郎我有辭也初北戎病齊在

諸侯救之鄭公子忽有功焉齊人餽諸侯使魯次

之魯以周班後鄭鄭人怒請師於齊齊人以衛師

助之故不稱侵伐不稱侵伐而以戰為文明魯直諸侯曲故言我有辭以禮自釋交綏而退無敗績公羊傳何以不

言師敗績內不言戰言戰乃敗矣先書齊衛王爵也鄭主兵而序齊衛下者以王爵次之也春秋所以見魯猶秉周禮○胡傳鄭人主兵而首齊猶衛州吁主兵而先宋季氏本曰齊欲吞紀與鄭衛合魯則專意援紀者也三國來戰蓋為此爾考魯以援紀之故與齊不親自齊鄭如紀之後與魯不通已六年矣何由至齊為班耶按季說可參故附錄之

經十有一年春正月齊人衛人鄭人盟于惡曹惡曹地闕○陳氏傳良曰此郎之諸侯也凡一役而再見者但人之略之也

○夏五月癸未鄭伯寤生卒同盟於元年赴以名○秋七月葬鄭莊公無傳三月而葬速○九月宋

人執鄭祭仲祭氏仲名不稱行人聽迫脅以逐君罪之也行人例在襄十一年釋例詳之突歸于鄭

突厲公也為宋所納故曰歸例在成十八年不稱公子從告也文連祭仲故不言鄭

鄭忽出奔衛忽昭公也莊公既葬不稱

爵者鄭人賤之以名赴○按未踰年之君稱子不稱子者從史文畧○柔會宋公陳侯蔡叔盟于



折無傳柔魯大夫未賜族者蔡叔蔡大夫叔名也折地闕○此大夫會盟諸侯之始○公會宋公于夫鍾

無傳夫鍾邠地○夫音扶○今山東兗州府寧陽縣盛鄉城北有夫鍾里○冬十有二月公會宋公

于闕無傳闕魯地在東平須昌縣東南○今兗州府汶上縣西有闕亭在南旺湖中

傳十一年春齊衛鄭宋盟于惡曹宋不書經闕○張氏溥曰惡曹之盟齊衛鄭為

郎之戰謀魯而固黨也宋亦與焉經不書左云闕也及觀柔盟于折公會于夫鍾于闕魯君臣於宋獨親然則惡曹之盟宋果不與未可知也

○楚屈瑕將盟貳軫貳軫二國名○屈居勿反○貳在今隨州應山縣境軫在今應城縣西俱屬湖廣德安府

鄭人軍於蒲騷將與隨絞州蓼伐楚師鄭國在江夏雲杜縣東南有鄭

城蒲騷鄭邑絞國名州國在南郡華容縣東南蓼國今義陽棘陽縣東南湖陽城○鄭音云騷音蕭絞音卯反○水經注澗水經安陸故城古鄭城也今為安陸縣屬德安府蒲騷在今應城縣北三十里絞在今湖廣鄖陽府西北州在今湖廣荊州府監利縣縣東三十里有州陵城蓼在今河南南陽府唐縣南

十里蓼音了莫敖患之莫敖楚官名即屈瑕鬬廉曰鄭人軍其郊必不

誠且日虞四邑之至也虞度也四邑隨絞州蓼也邑亦國也君次於郊郢以

禦四邑君謂屈瑕也郊郢楚地○今湖廣安陸府治郢州故城是其地也我以銳師宵加於鄭

鄭有虞心而恃其城恃近其城莫有鬬志若敗鄭師四邑

必離莫敖曰盍請濟師於王盍何不也濟益也對曰師克在

和不在眾商周之不敵君之所聞也商紂也周武王也傳曰武王有亂臣十人

紂有億兆夷人成軍以出又何濟焉莫敖曰卜之對曰卜以

決疑不疑何卜遂敗鄭師於蒲騷卒盟而還卒盟貳軫

○鄭昭公之敗北戎也在六年齊人將妻之昭公辭祭

桓公

桓公

桓公

桓公

桓公

桓公



仲曰必取之君多內寵子無大援將不立三公子

皆君也子突子亶子儀之母皆有寵弗從夏鄭莊公卒初祭封人仲

足有寵於莊公祭鄭地陳留長垣縣東北有祭城封人守封疆者因以所守為氏。長垣縣今屬直隸大名府莊

公使為卿為公娶鄧曼生昭公故祭仲立之曼鄧姓宋

雍氏女於鄭莊公曰雍姑生厲公雍氏姑姓宋大夫也以女妻人曰女。女去聲。姑其

反吉雍氏宗有寵於宋莊公故誘祭仲而執之祭仲之如宋非

會非聘見誘而以行人應命曰不立突將死亦執厲公而求賂焉祭

仲與宋人盟以厲公歸而立之秋九月丁亥昭公

奔衛己亥厲公立

經十有二年春正月○夏六月壬寅公會杞侯莒

子盟于曲池曲池魯地魯國汶陽縣北有曲水亭。在今山東兗州府曲阜縣東北四十里源出石門山杞公穀作紀○

秋七月丁亥公會宋公燕人盟于穀邱穀邱宋地燕人南燕大夫。穀

邱在今兗州府曹州北三十里○八月壬辰陳侯躍卒無傳厲公也十一年與魯大夫盟於折不書葬

魯不會也壬辰七月二十三日書於八月從赴○公會宋公于虛虛宋地。虛去魚。反。疑在河南歸德府睢州境

○冬十有一月公會宋公于龜龜宋地。疑亦在睢州境注氏克寬曰桓公屢至宋地強

宋公之從而不已固為屈辱然二盟四會皆以會宋為詞則是宋公有志於會盟矣蓋宋之所以會魯者將以求賂於鄭而魯之所以會宋者將以為鄭

免其賂是以卒不能降心以相從也○丙戌公會鄭伯盟于武父武父鄭地陳留濟陽縣東

北有武父城。在今直隸大名府東明縣西南與河南開封府蘭陽縣接界○丙戌衛侯晉卒無傳重書丙戌



非義例因史成文也。  
○十有二月及鄭師伐宋丁未戰于

宋既書伐宋又重書戰者以見宋之無信也莊十一年傳例曰皆陳曰戰尤其無信故以獨戰為文。公羊傳何以不言師敗績內不言戰言戰

乃敗矣胡傳責賂於鄭而無厭屢盟於魯而無信者宋也二國聲其罪以致討故書曰伐然取其賂以立督者魯桓也資其力以篡國者鄭突也春秋之義用賢治不肖不以亂易亂故又書曰戰于宋來戰者罪在彼往戰者罪在內

傳十二年夏盟于曲池平杞莒也隱四年莒人伐杞自是遂不平。程子曰杞侯

皆當作紀隱二年紀莒盟于密是時紀謀齊難故魯桓與之盟莒以援之耳

○公欲平宋鄭秋公及宋公盟于句瀆之邱句瀆之邱即穀邱也宋以立厲公故多責賂於鄭鄭人不堪故不平。句古侯反瀆音豆。吳氏澂曰左氏以為魯欲平宋鄭然此盟必是魯會宋燕三國別有他事相要約非為鄭賂之事盟也。因是盟與宋公相見而為鄭致請焉耳

宋成未可知也故又會于虛

冬又會于龜宋公辭平故與鄭伯盟于武父宋公貪鄭賂故

遂帥師而伐宋戰焉宋無信也君子曰與公三會而卒辭不與鄭平

苟信不繼盟無益也詩云君子屢盟亂是用長無

信也詩小雅言無信故數盟數盟則情疏情疏則憾結故云長亂。長丁丈反

○楚伐絞軍其南門莫敖屈瑕曰絞小而輕輕則

寡謀請無扞采樵者以誘之扞衛也樵新也。輕去聲扞戶旦反從之絞

人獲三十人獲楚人也明日絞人爭出驅楚役徒於山中

楚人坐其北門而覆諸山下坐猶守也覆設伏兵而待之。覆扶又反大敗之

為城下之盟而還城下盟諸侯所深恥伐絞之役楚師分涉於彭



彭水在新城昌魏縣。後漢志房陵有筑水即彭水也。故昌魏縣在今湖廣鄖陽府房縣西南。羅人欲伐之。使伯

嘉謀之。三巡數之。羅熊姓國在宣城縣西山中。後徙南郡枝江縣。伯嘉羅大夫。謀伺也。巡徧也。今湖廣襄陽府

宣城縣西二十里羅川城。乃羅故國。其在岳州府平江縣南三十里之羅城。是後徙處也。楚遷之枝江。今枝江縣屬湖廣荊州府。又自枝江徙長沙。今長

沙府湘陰縣東六十里。亦有羅城。數上聲。

經十有三年春二月公會紀侯鄭伯己巳及齊侯

宋公衛侯燕人戰齊師宋師衛師燕師敗績。大崩曰敗績。例

在莊十一年。或稱人。或稱師。史異辭也。衛宣公未葬。惠公稱侯以接鄰國。非禮也。○三月葬衛宣公。無傳

傳葬自內錄也。既與衛人戰。曷為葬宣公。怨不棄義。怒不廢禮。是知古人以葬為重也。禮喪在殯。孤無外事。衛宣未葬。朔乃即戎。已為失禮。又不稱子是。以吉服從。金革之事。其為惡大矣。凡此類據事直書。年月具存。而惡自見也。

○夏大水。無傳○秋七月

○冬十月。無傳

傳十三年春楚屈瑕伐羅。鬬伯比送之。還謂其御

曰莫敖必敗。舉趾高。心不固矣。趾足也遂見楚子曰必

濟師。難言屈瑕將敗。故以益師諷諫。見音現。難去聲。楚子辭焉。不解其旨。故拒之。解戶買反。入告夫

人鄧曼。鄧曼曰。大夫其非眾之謂。鄧曼楚武王夫人。言伯比意不在於益眾也。

其謂君撫小民以信。訓諸司以德。而威莫敖以刑

也。以嚴明之政威莫敖。莫敖狃於蒲騷之役。將自用也。狃快也。蒲騷在十一年。

必小羅。君若不鎮撫。其不設備乎。夫固謂君訓

眾而好鎮撫之。撫小民以信也。好去聲。召諸司而勸之以令德。訓諸司以



德也見莫敖而告諸天之不假易也諸之也言天不借貸慢易之人威莫敖以刑也

不然夫豈不知楚師之盡行也楚子使賴人追之

不及賴國在義陽隨縣賴人仕于楚者○盡津忍反○後漢志襄信侯國有賴亭故賴國文獻通考賴國在襄信縣元省縣為鎮今在息縣東北其地相接也杜注在義陽隨縣則去光州甚遠不知何據莫敖使徇于

師曰諫者有刑徇宣令也徇音殉及鄢亂次以濟鄢水在襄陽宜城縣入漢○孔

羅與盧戎兩軍之疏鄢水出新城沔鄉縣今湖廣襄陽府宜城縣南有宜城故城即古鄢國鄢音偃遂無次且不設備及羅

羅與盧戎兩軍之盧戎南蠻○即今中廬故城在襄陽府南漳縣東五十里大敗之莫敖

縊于荒谷羣帥囚于冶父縊自經也荒谷冶父皆楚地○荆州記州東三里有三湖湖東有水名荒谷在今湖廣荆州府水經注荒谷東岸有冶父城在今荆州府東以聽刑楚子曰孤之罪也皆

免之

○宋多責賂於鄭立突鄭不堪命故以紀魯及齊與

宋衛燕戰不書所戰後也公後地期而及其戰故不書所戰之地○胡傳左氏以為鄭與宋戰穀梁以為紀與齊戰趙匡考據經文內兵則以紀為主而先于鄭外兵則以齊為主而先于宋獨取穀梁之說蓋齊紀者世讎也齊人合三國以攻紀魯鄭援紀而與戰戰而不地於紀也

○鄭人來請脩好

經十有四年春正月公會鄭伯于曹修十二年武父之好以曹地曹與會

無冰無傳書時失○夏五不書月鄭伯使其弟語來盟○秋

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦



過也既戒日致齊廩雖災苟不害嘉穀則祭不應廢故書以示法。先去聲。

○冬十有二月丁巳齊

侯祿父卒

無傳隱六年盟于艾

○宋人以齊人蔡人衛人陳人

伐鄭

凡師能左右之曰以例在僖二十六年

傳十四年春會于曹曹人致餼禮也

熟曰饗生曰餼

○夏鄭子人來尋盟且修曹之會

子人即弟語也其後為子人氏

○秋八月壬申御廩災乙亥嘗書不害也

災其屋救之則息不及穀

故曰書不害。胡傳嘗祭時事之常則何以書春秋紀事用周月而以八月嘗則不時御廩災於壬申而嘗以乙亥是不改卜而供未易災之餘則不敬書故

○冬宋人以諸侯伐鄭報宋之戰也

在十年焚渠門入

及大逵

渠門鄭城門逵道方九軌

伐東郊取牛首

東郊鄭郊牛首鄭邑。今河南開封府陳留縣西南

十一里有牛首城

以大宮之椽歸為盧門之椽

大宮鄭祖廟盧門宋城門告伐而不告入取故

不書。大音泰

經十有五年春二月天王使家父來求車○三月

乙未天王崩

無傳桓王也

○夏四月己巳葬齊僖公

無傳

五月鄭伯突出奔蔡

突既篡立權不足以自固又不能倚任蔡仲反與小臣造賊盜之計故以自奔為文

罪之也例在昭三年

鄭世子忽復歸于鄭

忽實居君位故今還以復其位之例為文也稱世子者忽為大

子有母氏之寵宗卿之援有功于諸侯與大子之盛者也而守介節以失大國之助知三公子之強不從祭仲之言脩小善繫小行從匹夫之仁忘社稷之大計故君子謂之善自為謀言不能謀國也父卒而不能自君鄭人亦不君之出則降名以赴入則逆以太子之禮始於見遂終於見殺三公子更立亂



鄭國者實忽之由復歸例在成十八年。按朱子嘗謂忽之辭昏未為不正。不幸失國。非有大惡。詳見詩序辨中。程子曰。稱世子。本當立者。許叔入于許。許叔莊公弟也。隱十一年。鄭使許大夫奉許叔居許東偏。鄭莊公既卒。乃入居位。許人嘉之。以字告也。叔本不去國。雖稱入。非

國逆。○公會齊侯于艾。○邾人牟人葛人來朝。無傳三。人皆附

庸之世子也。其君應稱名。故其子降稱人。牟國。今泰山牟縣。葛國。在梁國寧陵縣東北。○今山東濟南府東二十里有牟城。河南歸德府寧陵縣有葛城。在汴河之南。孔疏。曹伯使世子射姑來朝。諸侯世子稱名。則附庸之世子稱人。又世子稱謂之等級也。○秋九月。鄭伯

突入于櫟。櫟。鄭別都也。今河南陽翟縣。未得國。直書入。無義例也。○櫟音歷。○陽翟。今開封府禹州是也。○冬十

有一月。公會宋公衛侯陳侯于袤。伐鄭。袤。宋地在沛國相縣西南。先行

會禮而後伐也。○袤。昌氏反。在今江南鳳陽府宿州。

傳十五年。春。天王使家父來求車。非禮也。諸侯不

貢車服。車服上之。所以賜下。天子不私求財。諸侯有常職貢。

○祭仲專。鄭伯患之。使其壻雍糾殺之。將享諸郊。雍姬知之。謂其母曰。父與夫孰親。其母曰。人盡夫也。父一而已。胡可比也。婦人在室則天。父出則天。夫女以為疑。故母以所生為本。解之。遂告

祭仲曰。雍氏舍其室。而將享子於郊。吾惑之。以告祭仲。殺雍糾。尸諸周氏之汪。汪。池也。周氏。鄭大夫。殺而暴其尸。以示戮也。○暴。步卜反。公載以出。愍其見殺。故載其尸共出國。曰。謀及婦人。宜其死也。夏。厲公

出奔蔡。六月乙亥。昭公入。

○許叔入于許。公會齊侯于艾。謀定許也。



○秋鄭伯因櫟人殺檀伯而遂居櫟檀伯鄭守櫟大夫

○冬會于袤謀伐鄭將納厲公也弗克而還

經十有六年春正月公會宋公蔡侯衛侯于曹○

夏四月公會宋公衛侯陳侯蔡侯伐鄭春既謀之今書會者魯諱議納

不正蔡常在衛上今序陳下蓋後至○秋七月公至自伐鄭用飲至之禮故書○冬

城向傳曰書時也而下有十一月舊說因謂傳誤此城向亦俱是十一月但本事異各隨本而書之耳經書夏叔弓如滕五月葬滕成公傳云

五月叔弓如滕即知但稱時者未必與下月異也又推校此年閏在六月則月却而節前水星可在十一月而正也詩云定之方中作于楚宮此未正中也功

役之事皆總指天象不與言麻數同也故傳之釋經皆通言一時不月別○十有一月衛侯朔出奔

齊惠公也朝讒構取國故不言二公子逐罪之也○公羊傳衛侯朔何以名得罪于天子也見使守衛朔而不能使衛小眾越在岱陰齊屬負茲舍不

即罪耳注朔十二月朔政事也時天子使發小眾不能使行越猶走也屬託也天子有疾稱不豫諸侯稱負茲舍止也託疾止不就罪

傳十六年春正月會于曹謀伐鄭也前年冬謀納厲公不克故復更謀夏

伐鄭秋七月公至自伐鄭以飲至之禮也

○冬城向書時也

○初衛宣公烝於夷姜生急子夷姜宣公之庶母也上淫曰烝屬諸右

公子爲之娶於齊而美公取之生壽及朔屬壽於

左公子左右媵之子因以為號○孔疏夷姜縊失寵而自經死宣姜與

公子朔構急子宣姜宣公所取急子之妻公使諸齊使盜待

諸莘將殺之莘衛地陽平縣西北有莘亭○公使去聲莘亭故城在今山東東昌府莘縣北壽子告之



使行行去也不可曰弃父之命惡用子矣惡安也。惡音烏。有無

父之國則可也及行飲以酒壽子載其旌以先盜

殺之急子至曰我之求也此何罪請殺我乎又殺

之二公子故怨惠公十一月左公子洩右公子職

立公子黔牟黔牟羣公子。飲去聲。洩息列反。黔其庶反。惠公奔齊張氏洽曰朔立已五年二公

子不能獨逐之必因其陵蔑天子周室欲討而後二子得以行其志所以莊六年王人子突救衛公羊氏之說其必有所傳矣

經十有七年春正月丙辰公會齊侯紀侯盟于黃

黃齊地。路史登之黃縣東南有古黃城本紀邑後入齊今黃縣屬山東登州府去魯殊遠疑非會盟處○二月丙午公

會邾儀父盟于趙趙魯地稱字義與茂盟同二月無丙午丙午三月四日也日月必有誤。趙翠軌反。當在今山

東兗州府泗水鄒縣之間會公穀作及○夏五月丙午及齊師戰于奚奚魯地皆陳曰

戰。今兗州府滕縣南奚公山下有奚邑水經注夏車正奚仲之國○六月丁丑蔡侯封人卒十一

夫盟于折○秋八月蔡季自陳歸于蔡季蔡侯弟也言歸為陳所納癸巳葬

蔡桓侯無傳稱侯蓋謬誤三月而葬速○及宋人衛人伐邾○冬十月

朔日有食之甲乙者歷之紀也晦朔者日月之會也日食不可以不存晦朔晦朔須甲乙而可推故日食必以書朔日為例

傳十七年春盟于黃平齊紀且謀衛故也齊欲滅紀衛逐其君

○及邾儀父盟于趙尋茂之盟也茂盟在隱元年

○夏及齊師戰于奚疆事也爭疆界也於是齊人侵魯疆

疆吏來告公曰疆場之事慎守其一而備其不虞



虞度也不度猶不  
意也。○場音亦。  
以信待故。  
不書侵伐。  
姑盡所備焉。事至而戰。又何謁焉。齊背盟而來公

○蔡桓侯卒。蔡人召蔡季于陳。桓侯無子。故召季而立之。季內得國人之望。外有諸侯之助。故書字以善得。  
秋。蔡季自陳歸于蔡。蔡人嘉之也。嘉之。故以

衆稱歸以明外納。  
字告。○公羊傳何氏休注。蔡侯封人無子。季次當立。封人欲立獻舞。而疾害季。季辟之陳。封人死。歸反奔喪。思慕三年。卒無怨心。按封人卒。獻舞立。蔡季未嘗為君。杜氏誤合。  
蔡季獻舞為一人。

○伐邾。宋志也。邾宋爭疆。魯從宋志背趙之盟。

○冬十月朔。日有食之。不書日。官失之也。天子有

日官。諸侯有日御。日官。日御。典歷數者。日官居卿。以底日禮也。

日官。天子掌歷者。不在六卿之數。而位從卿。故言居卿也。底。平也。謂平歷數。○底音旨。日御不失日。以授百

官于朝。日官平歷以班諸侯。諸侯奉之。不失天時。以授百官。○趙氏匡曰。左氏曰。不書日。官失之非也。或史官闕之。或年深寫誤。何關日

官日御乎。

○初。鄭伯將以高渠彌為卿。昭公惡之。固諫不聽。

昭公立。懼其殺已也。辛卯。弒昭公。而立公子亶。公子亶。魯昭

公弟。○亶音尾。君子謂昭公知所惡矣。公子達曰。公子達。魯大夫。高伯

其為戮乎。復惡已甚矣。復重也。本為昭公所惡。而復弒君重為惡也。○復扶又反。

經十有八年。春。王正月。公會齊侯于濼。濼水在濟南歷城縣西北。入濟

○今山東濟南府城西。趵突泉即濼水之源。蓋濟水伏流重發處。濼音洛。公與夫人姜氏遂如齊。本



與夫人俱行至灤公與齊侯行會禮故先書會樂既會而相隨至齊故曰遂 ○夏四月丙子公薨于

齊不言戕諱之也戕例在宣十八年丁酉公之喪至自齊無傳告廟也丁酉五月一日有日而無月

○秋七月○冬十有二月己丑葬我君桓公無傳九月乃葬

緩慢也

傳十八年春公將有行遂與姜氏如齊始議行事申繻曰

女有家男有室無相瀆也謂之有禮易此必敗女安夫之

家夫安妻之室違此則為瀆今公將姜氏如齊故知其當致禍亂公會齊侯于灤遂及文姜

如齊齊侯通焉公謫之謫譴也○謫直革反以告夫人告齊侯夏四月丙

子享公齊侯為公設享燕之禮使公子彭生乘公公薨于車上車曰乘彭生

多力拉公幹而殺之○乘去聲拉力答反魯人告于齊曰寡君畏君之威不敢

寧居來修舊好禮成而不反無所歸咎惡於諸侯

請以彭生除之除恥辱之惡也齊人殺彭生不書非卿

○秋齊侯師于首止陳師首止討鄭弑君也首止衛地陳留襄邑縣東南有首鄉○今河南歸德府睢州即襄

邑也首鄉在州東南子亶會之高渠彌相不知齊欲討已七月戊戌齊人

殺子亶而轅高渠彌車裂曰轅○轅音患祭仲逆鄭子于陳而

立之鄭子昭公弟子儀也是行也祭仲知之故稱疾不往人曰

祭仲以知免仲曰信也時人譏祭仲失忠臣之節仲以子亶為渠彌所立本既不正又不能固位安民

宜其見除故即而然譏者之言以明本意○知去聲



○周公欲弑莊王而立王子克莊王桓王太子王子克莊王弟子儀辛伯告

王遂與王殺周公黑肩王子克奔燕辛伯周大夫初子儀

有寵於桓王桓王屬諸周公辛伯諫曰竝后妾如后匹

嫡庶如嫡兩政臣擅命耦國都如國亂之本也周公弗從故及及於亂也

春秋左傳杜注卷第二

